



09102

碑傳集

第十四冊
乾隆朝部院大臣

卷二十九
之三十四



碑傳集卷二十九目錄
 乾隆朝部院大臣上之上
 光祿大夫子舍都察院
 大司寇劉濟慈公
 戶部尚書張公
 吏部左侍郎俞
 尹先生會一傳
 光祿大夫經筵

楊公汝毅神道碑
 安國墓誌銘

碑傳集卷二十九目錄

乾隆朝部院大臣上之上

光祿大夫予告都察院左都御史勤恪楊公汝毅


大司寇劉清愨公吳龍墓誌銘 陳宏謀

戶部尚書張公楷墓誌銘 代某誤 王元啟


吏部左侍郎俞公兆岳傳 李文藻

尹先生會一傳 顧棟高

光祿大夫經筵講官吏部尚書諡文肅王安國墓誌銘 汪由敦



碑傳二十九日



光祿大夫祭酒翰林院學士禮部尚書文肅王安國墓誌銘

光祿大夫祭酒翰林院學士禮部尚書文肅王安國墓誌銘

光祿大夫祭酒翰林院學士禮部尚書文肅王安國墓誌銘

光祿大夫祭酒翰林院學士禮部尚書文肅王安國墓誌銘

光祿大夫祭酒翰林院學士禮部尚書文肅王安國墓誌銘

光祿大夫祭酒翰林院學士禮部尚書文肅王安國墓誌銘

乾隆朝部院大臣上之上

光祿大夫予告都察院左都御史勤恪楊公汝穀神道碑 沈廷芳

乾隆五年春正月致仕都察院左都御史楊公薨于家遺表進奏

天子曰噫此予三朝老臣也前以衰病乞休特允所請俾養餘年今聞

溘逝實深軫惻應得卹典所部察例以聞例具上

賜諡勤恪予祭葬碑文

上親定焉十一年正月十日其孤葬公子縣之石門湖山莊公諱汝穀

字令詒號石湖世家荆楚明初始祖某以軍功封懷甯世襲武德將軍

曾祖某襲職祖諱廷試官衛守備署真州遊擊有德于民考諱昭雍篤

學至孝行善于其鄉以公貴俱贈如公官曾祖妣鄭氏祖妣李氏妣曹

氏俱贈一品夫人公孝友肫摯有大節言行一主于誠自為諸生即自

刻厲論說為文本仁祖義康熙庚辰進士授江浦縣令清操如水而多

平反既奏最擢祠祭司主事陞本司員外郎儀制司郎中選擢四川道

監察御史巡視京東城豪猾不敢犯法除太常少卿提督四譯館調奉

天府丞士民胥戴以右通政旋京攀轅泣留者盈數百里雍正初累遷

通政使副都御史兵部右侍郎轉左公念中樞要地乃益夙夜在公經

理周密署吏部侍郎

今上嗣位轉戶部左侍郎即拜左都御史公論議持正不事手稜而獨

行其是羣稱不威而肅尋以老病乞歸

優詔答之謝恩

召見

上曰卿耆德大臣榮歸鄉里全始全終最稱難得還家誨爾子孫讀書

立品教導梓里士民各為善人鄉先生足為矜式公頓首謝言臣身還

田里心戀闕廷惟望

陛下萬幾之暇節勞自愛

聖躬臣優游化日會當重仰

天顏奏畢而泣

命仍食全俸賜予甚厚公前後主鄉會試均稱得人祭告山川陵寢四

次俱垂粟歸屢荷

恩賚

主上鑒其清介也歸時舉朝祖餞東門者甚盛莫不歎羨謂榮于公家少尹旣歸杜門家訓益嚴而子族黨閭則與父言悉與子言孝必罄其誠敬眾皆悅服曰潞公涑水再見于今日矣及疾篤遺令惟拳拳干報國克家無一語及私者享年七十有六平生立朝終初一轍官御史時疏凡數十上嘗劾南陽鎮兵不法因言河南營多姦人竄名行伍倚勢擾民請悉除之及貳中樞歷副相遇事必言如請修中樞政考以定章程八旗事件一體定限以重旗務酌定武職加級紀錄抵銷之例以念軍功令山陝各省報驛馬倒斃以恤驛站武昌岳州添設馬兵俾得更替以軫營汎題補武弁應陸續分別赴部不致營伍空懸以嚴防守他若陳銓政籌積貯清科場釐權稅重部務諸疏實關廊大計每進見于朝常國是性學微言必竭誠敷奏其密勿贊襄有家人不及知見諸天語而得其崖略者恭順而不隨正直而不激務引其君於當道嗚呼若公可謂古之純臣也已娶劉氏封一品夫人後公若干年卒男五人繩孫瑞州知府振翰康熙戊戌進士候補中書舍人先卒綏雍正己酉

欽賜舉人候選知縣世承乾隆丙辰舉人龔蔭候補主事現督捕司郎

碑傳二十九

中女一人適通政司經歷任世沛孫十一人超恆乾隆丁巳進士沂水知縣大猷乾隆戊午副貢生大任名改國國學生大醇郡學生大元國學生大鵬戶部湖廣司主事大觀大智永甯大紳德馨俱國學生孫女六人曾孫二人爾熾爾爵曾孫女二人公旣葬其孤以狀俾銘其外碑廷芳受知最深烏敢以不文辭乾隆十年冬以奏事

召對蒙

垂詢舉主廷芳以公姓名奏

上亟稱老臣惜其俎謝者久之今撰次公事實感厥心爰謹述其關係天下國家者而不敢阿以私體公之志也銘曰

惟揚之先系出關西太尉祖孫忠烈名齊代遷于荆食邑于皖奕葉武功克勇克懋積厚累仁篤生我公性秉純孝翼雍雍平居志養疾顛身代禮意交深誠發乎內忠求孝門從政亡華匪務名譽曰承厥家歎歷中外三朝一節顯諫謚敵在敬以直

皇帝曰咨女子舊老

賜坐暨饍善頤胡考公拜稽首引年乞身歸田沐化盛世幸民詔書存問彌隆黃耆執享其終而榮而壽公之勲德方策大書嗣芳有

後世觀型諸

大司寇劉清愨公吳龍墓誌銘

乾隆七年大司寇南昌劉公以疾在告

皇上特遣御醫診視公疾不起

上聞震悼命散秩大臣率同侍衛往奠並頒帑金庀喪事禮臣繼以卹

典上請

賜諡清愨給葬如禮嗣子成廣等扶柩還南以乾隆八年十月十八日

葬於祖山之原具幽宮片石請銘於公之執友江西巡撫某嗚呼公自

雍正癸卯官翰林洊歷大司寇凡二十年由翰林改吏部歷御史給事

中光祿寺卿持臬安徽提督順天江南學政晉通政使擢左都御史總

持風憲累為鄉試會試主考及同考官中開為翰林後又同官吏部知余

且十年任事最久余與公以同年進士同官翰林後又同官吏部知余

最深以道義相磨厲晨夕相處惻惻款款而語不及私得公觀摩涵育

之力良復不淺迄今追思往事有如昨日而公遂不可復作也今其子

來請余銘余雖不文不可得而辭按公諱吳龍字紹聞號平田江西南

昌人先世本閩籍遠祖允迪偕弟允濟遊朱子門登隆興進士官江右

移家玉山縣再遷南昌之梓溪代為望族高祖一琮仕鄱陽縣訓導曾

祖曷祖丁為庠生有名父起成克守家學不求聞達以公貴贈祖父通

議大夫祖妣張氏妣萬氏並贈淑人公生而岐嶷性簡重不苟語笑容

貌肅然留心實學為文沈潛深邃一如其八年十七補博士弟子員康

熙癸巳以毛詩舉鄉試雍正元年癸卯成進士選庶吉士次年冬

世宗憲皇帝以部務勞煩令大臣簡擇老成宿望以充其選公在詞館

高安朱文端公深相契重遂以公名奏薦改擢吏部文選司主事職掌

銓注條規繁重選人冗雜胥吏巧猾多端公鈎弊釐奸一一洞中窺要

無疾言遠色而泄事確乎不拔莫有以私干者每遇疑難輟葛眾議朋

與公為折衷一二語無不帖然心服相國朱文端公今相國桐城張公

先後管冢宰事俱倚公如左右手公展盡底蘊實心區畫銓政為之一

清五年陞稽勳司員外郎轉郎中調文選司郎中明年擢掌陝西道事

江西道監察御史七年為刑科給事中十一年轉禮科掌印給事中雖

歷任臺垣仍兼吏部事如故世宗憲皇帝察公純樸廉幹可大用晉光祿寺少卿尋

命為安徽按察使陸辭之日欽承

清問對曰臣不敢豫設成心惟仰體欽恤明允之至意因物付物而已
抵任後理冤直枉情涉可疑必虛衷參覈不憚再三所平反冤獄甚夥
十三年內擢光祿寺卿隨奉

命管理北路軍需事務

今上登極乾隆元年事竣

召還提督順天學政明年晉通政使三年擢都察院左副都御史調江
蘇學政正文體肅學規南北儒風翕然丕振未滿任

特授都察院左都御史六年

命兼管國子監事晉刑部尙書公自掌臺院歷大司寇敷陳章奏愷切
不爲浮辭多蒙

俞允他如寶山通州海口高築圍埂以禦洪潮開除京口一帶運河民
賦以便民挑濬九門提督番役不許白票拘人以杜嚇詐所奏並國家
大計蓋公留心經濟不爲目前苟且之策一片丹誠惟思仰答

聖朝倚眷早作夜思積勞成瘵年纔踰艾遂齎志以終惜哉公官翰林
時與余同授徒內城館舍密邇公湛深經術質有其文余空疎固陋然

中心耿耿不以不能風雲月露之辭爲愧而惟懼不克爲淑身善世之

學公有以啟之也余爲吏部司封郎公掌銓政已三年每遇乏員引余
協辦余以未諳體例不敢執筆公曰凡事視情理何如情理當則體例

自合不爾一胥吏優爲之盜須吾儕耶驗封司有會審缺主一案少宰
某公擬大辟五人余呈稿止坐爲首者流餘予徒杖屢爭於藤花廳事

前少宰銜之同官咸爲余危勸改其稿公謂余曰殺人以媚人吾不忍
爲正今日之謂也余因此決意不改後竟得

思旨如議歸結凡余有疑難事公徐以片言定者多類此公于事惟論
是非不苟同異余或與公所見不符斷斷相持迄歸于一不因此稍存

蒂芥每語及官場躁進營求交通聲氣動色相戒有若將浼焉之意公
在臺垣所陳奏進退人材剔除宿弊皆關銓政要務絕不輕泄公之慎

密持重得大體如此公制作冠冕當代屢秉文衡雍正己酉鄉試庚戌
癸丑會試皆爲同考官壬子粵東鄉試乾隆壬戌會試並爲正主考世

稱得士又嘗充大禮記注館會典館纂修官斟酌條例悉有模範可遵
守余與公奉職銓曹時敝車羸馬冬一裘夏一葛珥筆於

乾清門外晨入晚歸雖風雨霜雪無阻余以雍正七年出守揚州乾隆
三年自滇入覲公時視學畿輔按試趙州遇于城外旅邸握手公仰頌

碑傳二十九

四

四

四

四

四

四

四

聖天子稽古勤民之至意爲臣子者益當以大中正可久可大交相助勉匆匆別去及公視學江南余秉臬江蘇雖同官一方竟不獲相見求如官翰林吏部時之晨夕追隨渺不可得荏苒風塵趙州城外之立談遂成永別興言及此悲何如耶公受

兩朝特達之知事業在朝廷勳名滿天下天下賢士多出其門將來垂國史光家乘者余不能悉誌也謹據余聞見所及與平素所奉教誨者臚列之以掩諸幽焉公生于康熙二十九年十二月十四日享年五十有三元配熊氏贈淑人先公歿繼娶龐氏封淑人子四長成承國學生早卒次成廣廕生成秉成常俱幼女一公自失偶二十年誓不再娶家子亡始爲嗣續計今連得丈夫子三人謀秉節江右公喪來歸哭于章江舟次有子疑然見頭角悲痛之餘又爲公稍慰云公所著有求心錄廣理學備考註解陰符經參同契其若干卷藏于家銘曰
大圭韞璞遇斯彰倚歟劉公嶽立巖廊如彼天漢五星耀芒早年曩舍專場脫穎騰擊驍騁萬里俄頃雅健雄深文筆天挺蓬山高步儷雅軼騷根柢經術頓息眾囂改官銓部夙夜勤勞如繩如絲科條煩密振領挈綱諸曹咸秩銓注不察猾胥屏跡留部十載選政肅清海厯臺垣

仍掌銓衡晉階卿貳佐佑

五

王廷秉臬江左有倫有要案牘不繁奸欺畢照巷無冤民刑以弼教銀

臺之門喉舌所資擢長烏臺百寮是師繫公品望卓峙天墀

帝曰俞哉獻納朝夕往惟汝諧恪其厥職秋官司寇明允作則成均瞽

宗首善之區恂恂士子矩步規趨課文考行仰公楷模公清如水敞裘

羸馬德爲人師虛衷善下細流寸壤成歸陶冶器局端嚴不苟談笑理

學淵源鉤抉堂奧實踐躬行卓犖高操事

君接友一本純誠朝端標準察案儀型允矣吾師大猷是程丸丸松柏

章江之浹斧屋攸存千秋長峙銘以藏幽用諭信史

戶部尙書張公楷墓誌銘代某議 王元啟

乾隆九年二月二十七日戶部尙書蒿亭張公卒京師里第先是公總督倉場值歲飢奉命視振晨起卽往振所視食飲散給餓者如是半月感寒疾力疾弗懈遂不支拜尙書以老病辭不許疾亟子假未幾卒方疾亟時余從諸公卿入視帷茵几榻多寒士所不堪者及是葬有日嗣孫勤修來請銘余旣夙重公清德又以同姓之好熟聞

公家世行事甚悉其何以辭公諱楷字瞻式蒿亭其號其先諱孟興者
自山西洪洞徙家直隸之長垣曾祖諱成福官總兵

國初內附隸正藍旗漢軍籍以軍功世襲騎都尉授榮祿大夫都督府
右都督祖諱世能襲爵佐領授通議大夫考諱源洙候選州同知通議

同知俱贈資政大夫妣李氏進士河南巡撫思孝孫庠生成章女贈太
夫人以康熙九年正月十七日生公公少沈毅端懇無俗嗜讀書蕭寺

足不踰戶闕領康熙壬午鄉薦選授東阿令訟者至公隨事剖決立遣
之無羈守累衙前為酒食肆者月餘俱改他業去縣幾無事為戊子同

考官取士四一死三皆成進士縣絕科目久廣義塾親與講課士踵起
設官渡船十二於大河曰民尤便之陞朔州知州入覲

聖祖特簡知安慶府公以人生大節惟忠孝司一郡風化之責者宜知
所重於是求元余忠宣盡忠池故地於榛莽中闢唐孝子徐仲源墓基

皆自為碑文以記又序刻忠宣青陽集文傳之世郡瞰大江由宜城環
江而西地名皖口居七省衝橋圯多溺者公為斥而新之且移址於南

以讓江怒俾得永其成城西南二里為張家港石衝波劔立舟觸輒碎
鑿內河數十里避之屬令以事件制府公為請制府并劾公民起籲留

者千數巡撫特疏為保留在郡十年無遺便

世宗御極之元年

特旨擢江西按察司副使分巡饒九南道去之日民扶老攜幼送江浒
者數萬人越江送者復數千攀泣如赤子改浙江參政陞江蘇按察使

轉江西布政使所至有聲其任饒九南道也巡撫素重公名留佐藩臬
二司事常不使之任請移九江關於北岸大姑塘免商船風濤之厄人

尤頌其德自江西布政司入覲

世宗一見甚喜謂左右曰張某善氣迎人因曰

召對恩賚不可紀嗣以公平易謹慎陞巡撫江蘇時吳中積逋賦八百
八十一萬有奇加歲額應徵三百五十餘萬困不能償公請限年均輸

得入民歡如更生而謠詠隨起免官赴京禍不測

俞旨吳民歡如更生而謠詠隨起免官赴京禍不測

今上龍飛起公禮部侍郎公遵例到任三日疏懇得終制服闋補湖北
巡撫楚俗剽悍多輕生其羅織株累者積百餘案公立予省釋民不冤
瘐死科場勒派向為十郡行戶累奏罷之調撫陝西公念邊陲重地首

積粟而州縣常平社倉徒空名鮮實時爲設方計與更始三年待糶糧二百八十萬有奇又增貯兵糈二十餘萬於會城於潼關以備緩急其爲國深遠慮如此榆葭等州郡逼塞外地瘠確歲儉民貸官廩以給本息不時入逋遂多公極陳邊氓疾苦得旨予豁免災振逾格請多輒行

上未嘗怪焉興安故道百餘里皆架木壘石俯絕壑又十里五渡一蹶即漂泊死公遣官入荒巖絕箐中相視築新道置守卒十處行者賴之再調撫安徽駐節安慶安慶民塞道歡迎聲動城郭公亦視如舊子弟一撫以寬靜事無擾鳳穎等屬水溢公按戶振給絕濫遺全活無算召補內閣學士遷戶部右侍郎總督倉場進本部尙書未履任卒公治事不任用敲撲事亦無不辦不輕拘禁人民有小不便百計去之若身疾在廢籍奉養資政極歡時公歷入官而甘旨之奉猶時取給於質庫爲倉場總督入見

上面諭云以汝做官清故授汝今職其獲信如此李太夫人早世事繼母蔣太夫人如親母撫庶母弟曲盡友愛遇羣從姻戚皆有恩好獎士類卒之日篋無百金之儲訓其孫曰貧故士常分期汝不愧爲清白吏

碑傳二十九

七

子孫足矣爲禮部侍郎覃恩授資政大夫卒年七十五配姚氏候選同知社女贈夫人卒康熙四十五年正月十七日年三十九姚夫人卒時公年三十七資政議續婚他氏公以有子謝後終身不蓄一妾婢子男一書升候選知州早卒女三壻國學生楊謹布政司理問遲之鐵歲貢生李世璟孫男一卽勤修候選縣丞女二皆嫁仕族曾孫男一敏政女二皆幼墓在廣甯門外柳巷之原以姚夫人耐其日爲十月初七實乾隆之十年嗚呼公取於世薄而心則厚後尙有興者銘曰
扶輿氤氳厚萃而毓聿生偉人秉迪惟篤拊養摩疴勞心民牧洵撫巖疆白骨成肉惟公德醇渾然純璞積順抒華動于

帝曰爰歷

三朝恩眷日渥不竟其施民何無祿柳巷之原松楸有藟公安歸之忠孝有續

吏部左侍郎俞公兆岳傳

李文藻

俞公諱兆岳字岱禎浙江海甯人父宣琅官大竹知縣公生十一歲而孤母吳知書有志節陳說古事教督公公循蹈義法童而知方康熙中由廩生捐貢肄業國子監期滿授宣平教諭選大田知縣喜曰庶幾乎

少白吾母之教乎則徒步微服抵縣一童襍被隨寓逆旅中訪利病數十日始出片紙召胥隸一縣大驚自是無留獄縣以治調臺灣縣臺灣海外巖邑多武弁率恃功驕虐民不堪則相聚爲盜公以計捕其魁得一冊脅從者姓名盡載焉武弁欲取功要窮治之公乃置酒召弁飲熾炭行炙出不意投冊炭中立燼弁大誦公好語曰殺人邀賞仁者不爲也大吏聞之以公爲長者卒聽公誅其魁數人而餘不株問也遷開州知州遭母憂去官服闋補松江同知蘇松賦額溢他郡公力言於布政使西林鄂公轉請怡賢親王入告得豁免浮糧四十餘萬石又言海塘易潰宜易土以石上官是其言俾督其役大學士高安朱公出視海塘奇公才特疏薦之且曰兆岳如苦行頭陀年向衰矣及早用之猶可得其死力有

旨召見入對

上甚壯之授青州知府是時雍正五年也其年山東旱公以事至省城

謁大府大府召優觴公公曰久不雨

天子減膳撤樂矣爲人臣子忍對歌舞安坐終讌乎立飲三爵趨而出

大府怒思中傷之公即引疾去疏入

碑傳二十九

召詣闕

上望見公曰強項吏上官所不便朕知其非病也顧宰相曰此人可何

官宰相據例對

上曰俞兆岳非常士也亦拘以例乎授通政司參議適江南海水溢決

壞海塘數處惟公所築塘屹如舊督撫言諸朝特擢公太僕寺卿總理

海塘時崇明湮沒死者相枕籍公出賞格募人掩骼幣招流民赴工就

食閱七載成石塘七千一百二十八丈自栢林城至金山城凡四十五

里復于金山漂缺險要地捐俸築片石小塘五百五十丈以衛之民得

安堵乾隆改元

今上卽位擢都察院右副都御史巡撫江西

陛見陳母苦節且曰臣母三十餘而寡又受封例不得旌然臣孤苦無

狀非母不能有今日乞省臣所例得覃恩破格旌臣母

上命建坊祀節孝祠而公仍授階如制公之撫江西也謹身察吏廉民

之疾苦七十二州縣無不達得請免浮糧十餘萬兩革九江贛州二關

額外濫稅如于款除積害十有七事勒之石置石府縣官之門示永禁

七閱月而

召爲吏部左侍郎疏請便省墓至里招故人雅飲論敘出公俸贈族黨
置義田百畝族人婚喪祭葬取給焉時海甯方大築塘閘部無錫嵇公
總其事公爲嵇門生聞公至使使候公公進使者曰

天子發內府錢築塘而派夫擾及七縣沿隄取土壞民田墓怨聲流道
路吾厭聞之矣今日吾不言于師則負師不言于朝則負

君其何以處我使者兼程返告厥明則馬上傳箭諸不便事悉罷到部
未久江西巡撫岳公奏公前解關稅較常年缺額九萬餘兩下刑部鞫

之實浮減免銀二萬五千兩除賞官兵其無款可銷者才三百八十兩
事在赦前得免議奉

特旨昭雪而公已卒年七十有七公天性耿介能勞苦勇於有爲未至
大田時大田民有送妹嫁而失所在者其家訟之官官疑其妹之婿也

拷掠自誣服核尸所在云在某所發之無有則盡繫兩姓迎送者公至
盡釋去而宿禱於城隍廟誓曰罪人不得則吾當斲廟而去官夜則夢

神示以小旗書輦字旦卽廟召前所釋人問之曰某以肩輿行乎曰然
曰神已告我矣般人者輿夫也時有二人在廟竊瞰伏泥鬼後觀者眾

推泥鬼仆適當二人頸二人面如土卽輿夫也鞠之吐實果得尸其折
碑傳二十九

疑獄誠心推求多類此而築海塘則功在蘇松其法疊層石而中穿之
貫以鐵筍其橫犬牙相銜鎔鐵灌之膠結眾石爲一水卽甚怒不可動

先後督撫如李公衛尹公繼善皆奏上其法爲築海塘式公之既葬也
有數十人詣祠焚香楮誦佛經守者詰之流涕曰吾濟海塘夫耳酌以

茶泥首公像前曰力非不能具牲牢醢錢恐傷公心公不要民一錢者
也如是十數年不絕子良模甯遠知縣鴻赤舉人敦仁山西冀甯道僉

事降汀州府知府謹案源編有案調元錄傳

李文藻曰子少時聞人言公守郡遺事惟恐其辭之盡也公嘗冒雪過
鄉宦憑協一家索飲協一爲言民害數事立除之或布袍棉鞵行市井

民所苦樂無弗知既引疾僦居府治南民宅父老獻蔬米者日闔于門
被

召赴都民罷市遮留三易期而不得行乃夜從二僕自持鑰啟東城門
去質明民爭追之無及矣當時肖像范公祠之後樂序蹟久圯而北郭

汪公喬年祠前公之去思碑在焉予讀碑略得公名實近客濟南復交
公之孫濟陽知縣調元悉其世調元出家傳俾子第之嗚呼吾郡之民

猶然俞公之民也今往往以事控臺使擊登聞鼓矣或者謂青州民悍

黠樂訟無仁恩乃當俞公時何其彬彬然有情禮哉

尹先生會一傳願棟高

先生姓尹氏諱會一先世山西洪洞人後遷保定之博野凡十三傳而迄先生先生之父諱元弼以先生貴三世俱贈河南巡撫先生生三歲而贈公卒五歲太夫人授以論語諸詩太夫人姓李氏有婦德凡先生親師取友立身制行與居官倉卒應變拯飢拯患稟太夫人之教

天子賜以五言詩海內大吏靡不迂道請見其婦德實古今罕有之先生登雍正甲辰進士歷吏部員外郎出守襄陽五年移治揚州二年擢兩淮鹽運使

今上卽位使督理兩淮鹽政加僉都御史踰年超遷河南巡撫入補副都御史以太夫人老病乞歸養侍養五年而太夫人卒乾隆十一年三月先生服未闋而

天子卽授爲工部侍郎是年冬到任前督理江蘇學政戊辰夏陟少宰以勞瘁卒年五十有八前後居官二十年大都廉以視身勤以供職寬以接下其所歷運使及鹽政諸缺皆世人所視爲善地而先生洗手奉公子歸不得取分毫大半盡歸於官中爲軍民資本救災卹貧之用餘

碑傳二十九

十

則以周宗族鄉黨博野設義倉三城中設輔平倉一城西白河村設義倉一皆出於誠心質行非有所矯飾而爲之也在襄陽日漢水暴溢老龍隄石盡傾先生出帑修治至今爲民賴明年旱蝗大起先生命建八蜡廟於城南是年蝗不入境又明年荊州都統將兵萬人征西過漢江飭造浮橋縣令嚴彙民舟舟人妻子皆號先生饋馬於都統勸令以舟渡軍都統許諾民慶更生揚州濬兩城之市河通舟楫以爲民利揚俗奢侈衣服飲食多不節先生嚴禁之至同年子饋鱗魚亦不受揚俗大變其理鹽政也竈多賣餘鹽故私販不可禁止先生請出官錢買貯之配商紆以禁止私販賴以少息河南四十七州縣大水先生規畫十大事爲民籌居食之計甚備所全獲無算在御史臺甫及半載懇懇款款言人之所不能言卽

上所施行者多駁正往往

霽容嘉納方有意欲大用公而先生念太夫人遽乞假歸矣最後視江蘇學政申明小學之教無錫有宿儒高紫超愈輯註小學先生爲板行之一時紙貴有售至一金者方侍郎苞以老家居先生屏車騎徒步造其廬操几杖北面執弟子禮陽湖是鏡時講學于舜山先生枉駕過訪

歸卽草疏薦之其好賢禮士多類此先生爲學刊落浮華直明本性性至孝自始仕至河南巡撫多奉母以行其所設施一本太夫人之教天子亦知之至今士大夫傳以爲美談博野舊有顏習齋先生以禮爲教其徒李剛主先生有續北學編在河南輯續學編在江蘇方謀著道南編而先生卒矣余與先生同登庚子賢書後放廢三十年使節屢臨未嘗通謁乾隆壬申郡人士將祀先生於道南嗣子嘉銓請余作傳謹据狀敘之如右

謹案原編有敬陳農桑四務疏一首已見經世文編今不錄

光祿大夫經筵講官吏部尚書諡文肅王公安國墓誌銘

注由敦

乾隆二十一年夏吏部尚書臣安國言臣父卜葬於天長縣西有年矣

墨食不協迺有後艱願得歸遷兆域以展臣私

皇帝曰明歲春將南巡江淮汝其從是兩盡也蓋待之公拜稽首公素羸病咯血越數月疾大作疏請解職

上知不能視事命從容就道於是朝之卿士咸惜公之去而願公之過

有喜也二十二年春正月病革訃聞

上爲之震悼賻內庫白金庀喪具孤子念孫奉遺疏進得

神傳二十九

士

旨賜祭葬如制閣臣考諡典以聞應法

子諡曰文肅於是念孫件繫公事狀以幽堂之石爲請由敦與公同年舉進士同館同朝三十有四年熟知公行己立朝志節事業之素其敢例辭按狀公諱安國字書城號春圃先世蘇州人明初遷高郵歷世載德潛而未耀有諱開運者治尚書有聲州學是爲公會王父子諱式相通五經康熙戊午副榜貢生澹於仕進教弟子爲人師是爲公王父公之考諱曾祿守家學爲諸生研精理學教授後進雍正癸卯選拔貢成均母車太夫人生公時夢得古鼎之瑞三世皆以公貴考口誥贈光祿大夫禮部尚書妣贈一品夫人公復推考妣意以身所得封典馳贈外父母如其官蓋異數云公生而端重不與羣兒戲七歲就家塾從贈公受書卽求訓誥大義十歲屬文能自樹立卽爲勦說雷同年十九補博士弟子員第一康熙丁酉舉鄉試雍正二年會試第一名

憲皇帝親策于廷讀卷大臣有端人正士之目拔置一甲第二名及第授編修此公受知

憲皇帝之始也旋充

大清一統志纂修官又兼修八旗志書壬子典福建試十一年遷國子

監司業十二年充日講起居注官遷翰林院侍講奉

命提督廣東肇高等處學政在道陞侍講學士抵任擢都察院左僉都御史當是時公受

知寢深駸駸嚮用矣公之入詞館也嘗語人曰初謁座主高安朱先生先生教之曰學人通籍後惟留得本來面目爲難退而自省面慙發赤由是立志堅定數舉以勵學徒其教國子也嚴月課抑營競進諸生講濂洛關閩之學不沾沾講義嘗曰學當識之于心見之行事講習討論求其是耳著書垂訓當出之老師宿儒非學者所急也其任廣東學政也粵東山海遼遠初分兩學使以覈考校之期公所部自肇慶以西達於瓊儋皆濱海地文風視南海諸郡縣爲劣公首飭教官以敦品立操爲多士先接諸生嚴毅有不可犯之色而手一編往復辨論不啻父兄之於子弟闢學舍爲西齋拔士之秀者如千人餼其中親爲授業有司以非禮挫折諸生者公爲執持不少屈其有敗羣而害于鄉者卽繩以重法無所貰由是人知學使之任以整齊風教扶樹人材爲大地方有司咸知所嚴憚云

皇上御宇元年澄鑒臣工

神傳二十九

三

特命留任四年報滿

神傳二十九

三

召對晉都察院左副都御史旋擢刑部右侍郎轉刑部左侍郎五年九月陞左都御史公總率臺綱以激揚爲己任會粵撫以某教官登薦劾公故吏也知其人昏耄不可用以實聞上嘉公不避嫌怨命以原銜管廣東巡撫事公曰吾劾其人而得其位是古人所譏蹊田奪牛也具摺力辭

上不許乃卽任昔包孝肅劾三司使而代其任歐陽文忠非之孝肅不避今公事與孝肅類而退然自謝無待文忠之議其後其識蓋賢於古人矣

聖主爲官擇人則豈斤斤小節哉陞辭日

御製五言詩以寵其行

聞有老親復拜豐貂文綺之賜粵東文武僚吏皆公所稔悉聞公至飲貪泉者不自安望風引去公與約宥往咎許自新解弦更張治其歌儼無狀者他皆不問嶺南物產素豐海舶往來貨贖瑰麗風俗侈靡政治疲玩不飭習爲固然公極意整肅墜廢畢舉倉儲溢羨自制府以下月給白粲若干吏以故事白公曰非制也叱勿受比數年有發其事者監

司皆坐重辟人益服公操積案塵委公爲之決疑贖省留獄歲久不雨公禱於神不應有盜案心疑其誣一訊得實乃大雨計典察吏不事苛勸戒使知自厲故不以糾劾求赫赫名凡三年而嶺以南十郡三州咸治會丁贈公艱貧不能辦裝制府請於

朝致賻二千金乃得歸舟至南昌

內召爲兵部尚書又遷禮部尚書皆未拜居廬營葬既訖事十一年服闋乃入朝視事公故湛深經術嫻習掌故容臺典三禮公所議必斟酌古今折衷聖籍期於正人心明典制以翊贊

休明之運雖違俗侃侃弗顧也五禮自朝廷達於鄉遂載在會典卷帙

繁重自學士大夫莫能徧觀熟講民間吉凶婚姻各以其俗尙未遵一是爰取臣工士民所當循用者爲通禮頒諸郡邑公長禮部爲刪正繁

曲一斷以

國朝制度

命充大清會典總裁官會典與通禮相表裏公因得一手編集每會典

進呈附以通禮悉稟

碑傳二十九

三

皇上睿裁硃筆改定凡十年而告成十五年充經筵講官二十年晉吏部尚書明年兼管工部尚書事銓衡具有成憲精密無可出入而蠹吏舉疑似者因緣上下其手或瞰人所不知輒以牟利躁競者爲所愚弄公釐剔眾弊杜絕請謁雖親愛不敢干以私而部事繁委心力俱瘁病有由來矣公起家寒素由巡撫入爲尚書衣食器用不改於舊晏居退食矻矻如老諸生搦秃管點竄丹黃循行書籠參伍鈎索不雜世事門館闌然中年喪偶不畜侍妾一子甫龀相依同寢起其境爲人所難堪而公處之自如十餘年如一日與人言謙和若不勝及臨事持論商推文義意所不可張目抵几不少避事過了無芥蒂于胸中以是人皆知公心乎爲

國而非好爲崖岸與眾異趣也公清癯骨立疏髯洒然望之嚴氣正性贈公以公年望五未舉子語公曰秋斂春生當養生氣公因自號春圃

以志庭訓其篤於踐履如此公所著書自奉

勅修通禮會典外嘗欲兼綜朱子師弟問答之語哀其粹精以附章句更取眾說之衷于朱子者嚴爲去取勒成一書而未竟其業公所重固不在是亦以見公志所存耳公生于康熙三十三年閏五月初三日薨

於乾隆二十二年正月初八日得年六十有四元配車氏繼配徐氏又繼配徐氏俱先公卒皆誥贈一品夫人子男一念孫女子一字朱元定卽公女弟之子也念孫將於某年某月某日卜葬公于某阡以三夫人

祔嗚呼典型凋謝感愴何已然卓然爲一代完人終始蒙

恩哀榮兼備班行倚重矚無瑕尤在同譜所當致羨而無遺憾者也爰系以銘銘曰

北斗喉舌天官尊三槐世澤貽後昆珠浮篋社川獻珍唱第曾見五色雲我戕千尺松蟠困峭壁獨立無攀援嶺南開府廉石存秩宗三禮和

神人十年鉛槧資討論雲臺博士舌可捫上佐

天子下臣民周官法度由睢麟山公啟事得二年介不戾物勇本仁不茹不吐樊仲山拜疏請急宣

溫綸騎箕盡軫悲朝紳楚山鬱鬱淮水淪中有大鳥翔墓門君子有穀貽子孫摛詞無愧鏘貞珉

謹案原編有請省簿書以課農桑疏一首已見經世文編今不錄

碑傳集卷三十目錄

乾隆朝部院大臣上之中

通奉大夫都察院左副都御史加二級雷公鉉墓志銘

彭啟豐

又都察院左副都御史雷公墓誌銘

朱仕瑒

又雷副憲傳

輯福建續志立傳
故書名 沈廷芳

又都察院左副都御史雷公行狀

閔承方

附錄三則

又屬志雜錄

碑傳三十目

乾隆朝部院大臣上之中

彭啟豐

通奉大夫都察院左副都御史加二級雷公鉉墓志銘
公諱鉉字貫一，一字翠庭，雷氏世系出馮翊，自唐遷閩之甯化，曾祖某祖某父某諸生三世俱以公貴。贈通政使司通政使，公年十七補諸生。雍正元年舉於鄉，以合河孫文定公薦官國子監學正。十一年登進士，第改庶吉士，請急歸。

今上即位旋召直上書房，元年授編修，三年充日講起居注官，四年遷左諭德，以父憂去九年被

召仍直上書房，十年累遷至通政使，十四年以母疾乞假歸，踰年入朝，特命督學浙江，尋改江南，十七年遷左副都御史，仍留督學，其冬復任浙江，二十一年任滿以母老乞終養，得

旨，卽自浙侍母歸，二十四年丁母憂，勞毀得疾，其明年冬十月某日終於家，公之卒也，予既為文以哭之，越一年夏，其子定瀄寓書并狀來乞銘，予與公同官翰林，素知公，既督學浙江，又與公先後相代，以是益悉

碑傳二十

公為人而歎公之志，蓋未竟也。公之學之醇守之固，其立朝抗直遇事

一

無所撓，屈其遭際亦甚隆，而卒未竟其志者，豈非命哉。方上御極之初，銳意至理，在朝諸臣爭自奮思，所以稱盛意，公時官諭德

每進經史講義，必詳晰義利，開設端委，以推極於治要。

上嘉納焉，有同官以喪歸未葬入臨

皇太子喪

上意欲留之，公力疏爭事遂寢，當是時也，朝野無事

天子方虛己側席，有一善無不庸，若谷之應響，公駸駸方向用，而適以

憂去，既服闋入朝，會日食求言，上書論臺諫，以為朝廷樂聞讜言，不必

疑其好名，臺諫之所得者名政事之所收者實也，其言可謂通達識治

體督學浙江，浙西饑無入告者，公輒以聞，遂得

旨賑貸，公既感

上知不欲以虛文答

詔，旨亦不肯以職分自諉謝，惟

上鑒其誠而信之，既用其言，復顯其身，且使得就官，迎養所以曲成之

者無不至，夫亦將有待矣，而公復以乞養去，蓋嘗論人其器大其意必

遠以公之精誠磊落抗節不回且無有過塞之者宜不獨此三數事見諸言論蓋已舉其大者矣然則使公敷歷至今其位益顯其任益重而亦無有過塞之者將必更舉其大者以剗切一世而惜乎其志卒未竟也公少學於蔡文勤公其學一宗朱子不搖於他說臨卒無一語及私其遺疏云爲子之事粗具爲臣之志未伸蓋公亦自以未竟其用而天奪之年爲可憾也公配巫夫人子男子三長定濬舉人次定澍國子監生先卒次定源子女子一適國子監生巫國維孫男子二女子二以某年月日葬公某所銘曰

器之大小隨所儲瓶甌石殊盈虛哉雷公志不渝英辨挺特精誠字守以醇固浩氣俱落落數事昭寰區蘊負更與常人殊厄之歲月未盡舒銘茲景烈垂史書子孫達者其嗣諸

又都察院左副都御史雷公墓誌銘 朱仕秀

乾隆二十五年十月二十五日原任都察院左副都御史甯化雷公以疾薨於里第遠近人士聞者驚悼交書相弔蓋公以忠孝見信於上而天下尊其學者三十餘年其告養泊丁艱朝野咸望起復大用以著大儒之效於天下而公遽薨公之薨而人士竊計內外大臣鮮復有

碑傳三

如公之留意人才者故其始聞而驚驚已而悼人有失其私之悲而因致夫天下賴之之意而益知公之生歿於世不偶然也公諱鉉字貫一號翠庭先世陝西人也後自江西遷汀之甯化故今爲甯化人曾祖某祖某皆不仕父諱某縣學生三世皆以公貴恩贈如公官公爲諸生見蔡文勤公學約悅之從文勤講學文勤稱公爲人類揚江陰江陰者文定公名時也鄉貢京師高安朱相國軾聞公名不可得見乃就公蔡公寓舍論易時人兩賢之而合河孫侍郎嘉淦亦先禮公舉爲國子監助教癸丑開性理試主者欲得公公謝不往既成進士朝考第一大臣多薦者改翰林院庶吉士

今上卽位詔起公于家侍讀

皇第內城特旨授編修充丁巳會試同考官以

院修撰同事余某以

皇太子薨入京奉

旨留侍

皇子讀公言余某父喪未葬不宜在

皇子左右聞輔臣咎其辭為好名使在廷人人辟好名之嫌不執親喪非細故也余得歸終制丁縣學公艱服闋

詔起供職以額外諭德食俸遷右春坊右庶子再遷少詹事充日講起居注官擢通政使司通政使是時

上以言事者外沽直名自規便利下旨訓飭公謂二者雖諫臣不肖然亦朝廷樂聞讜言不必病二者以寡言路昔孔子稱舜隱惡揚善則知

當舜之時言者亦不能有善而無惡惟舜隱且揚之故書曰明四目達四聰又曰嘉言罔攸伏願

皇上以舜為法因言宜任老成遠諛佞簡遊幸屏玩好得

旨嘉獎是冬乞假省母滿假以原官提督浙江學政調江蘇改都察院左副都御史仍調浙江梓陸清獻公年譜教士敦實行去功利衡文取

清澹一革舊習公為政甚嚴而州縣吏亦無敢踰法虐士者有勒屬捏報劣生者其人已擢守道公特劾之因奏舉報優劣宜責成府縣官定

以處分又言太學貢士宜先老成通經學者會秋大饑有司以例不敢請公密言狀得

聖傳三十

二

旨特賑民困以蘇母李太夫人年八十援例終養蓋侍養太夫人者四年太夫人既葬未終喪而公薨年六十四公平居雍雍以和不見喜愠

之色至臨大節則嶄然不可奪其在朝廷遇重臣無加禮退接故交如布衣時狀貌秀偉造次必于禮而弘毅簡重安舒自得見者知為粹然

大儒也初入仕籍大臣爭相引重公岌然中立無少依附獨以忠懇結上知在羣臣中恩意特異二十二年南巡

御書扁額為太夫人壽兼賜貂緞蓋公性純孝

上知之故體恤之尤至而公臨薨遺表亦曰臣為子之事粗具而為臣之志未伸受

恩深重莫報涓埃此臣目難終瞑者也嗚呼觀公之所以事

上與

上之所以待公者庶幾古詩書所載君臣相與之盛者已公之學以躬行為主其生平出處張弛言默按之無一不合于道者至小事亦皆可法為文章簡要冲夷有古作者風所著經笥堂集自恥錄讀書偶錄校士偶存聞見錄等書凡若干卷公嘗謂

國家根本在人才故聞一藝片善必加搜討所交多巖穴奇士其奉使

出京布衣李錯朱燉送別舟次錯號鴈青山人與燉俱守道自重不妄見人者惟公能得之在浙江每有造訪或邑人未曉名姓相視驚訝不測公何以知之也公在病猶手修族譜考校無訛蓋其所存者如此公夫人同邑巫氏有順德能宜於公長子定清壬申

恩科舉入次定澍監生先率次定源貢生女一人適太學生巫某孫男二人定澍出又女二人一定澍出一定澍出定澍將以某年月日葬公于某山某原先期以狀來請銘仕琇與定澍為男女姻家辱公以文行見知者二十餘年公之病未薨也實以誌墓之文見屬因忘其不肖輒刪狀語撥公行身居官之大者藏諸幽以告後世云銘曰

雷世潛德始顯于公公仕以道不辱其躬正學之興
明時是逢進禮退義既孝既忠非公之賢
明聖在上信賢不疑崇德無忘爰再起公不俟自來侍經
皇子久試公才改官詹事遂掌銀臺公督浙學
皇有特命迎養之便毋愆溫清

南巡賜詩又以為言教及都人彌荷
皇恩惟公督學雍雍翼翼起秀弗蕪幽側無匿公貳都憲大江之南仍
改浙學文教其草惟公立朝無側無倚體

皇之心以成燕喜其喜維何忠孝道光奉母歸閭色養無妨融融洩洩
和樂且康諧于
帝心

天語揭堂公進不疑退省無虧古有成人庶其在斯壽母慶終公猶孺
慕粟筵未徹俄驚大故公年六十公位豈卑未厭眾望士林齋咨城
有邱爰得吉卜公體藏焉表以名木大儒之壟過者咸肅

又雷副憲傳稱編建續志立傳沈廷芳
雷鉞字貫一甯化人父鳴高諸生有潛德鉞幼承家學篤志深思所點
定經書宿儒莫能易蔡侍郎世遠主講鼈峰鉞從之遊甚見器重世遠
將歸錄性理存養省察之要授之嘗讀湯文正斌陸清獻龍其書曰有
微悟所造漸深雍正癸卯領鄉薦公車惟手性理一編人謂其迂不顧

也以工部侍郎孫先生嘉淦薦授國子學正癸丑成進士改庶吉士時
內閣學士方先生苞以經學古文重天下天下士鮮心契者獨謂鉞當
作第一流人乾隆元年授編修尋晉左諭德入傳
皇子時同館某亦預教而父喪未除鉞上疏曰侍學

皇子之人貴明大義篤人倫於學術性道方資贊助今某隱忍父喪則講書至宰我問三年章何以出口某由是得歸終制累遷通政使上言曰明詔戒臺諫處心積慮不外名利二途此裁成激勸冀以古純臣爲法也然人臣不惟不可計利并不可好名而朝廷樂聞讜言不必疑其好名并不必疑其好利昔孔子稱舜之大智曰隱惡揚善則知舜之時不皆有善而無惡惟舜隱之揚之所以嘉言罔伏遂成執兩用中之治上嘉納之視學浙江浙故多佳士鎡令月試于學擇經義尤粹者學官舉焉由是更相激勵又各授以小學及陸氏年譜俾爲力行之準聞有名儒宿德輒就訪之旋調江蘇學政政改右副都御史復調浙江值杭嘉二郡歲歉民食匱甚有司弗以告鎡貽書開府遂以上聞蒙詔加賑緩徵民賴全活因母老乞歸方終喪以勞毀卒年六十四鎡天性孝友律已嚴而待人恕其學以躬行爲本而篤信謹守朱子敬軒當湖嘗曰象山姚江人品事功卓然千古學術則恐貽誤後人作學術辨及禪學考二篇以示學者又著自恥錄聞見偶錄讀書偶記校士偶存及詩文集

碑傳三十

五

舊史沈廷芳曰吾聞雷之先本秦人唐季自豫章遷甯化有進士詳者生子伯泰等八人相友愛死則同葬焉五代之際無出而仕者至性卓行洵不愧三代之民雷氏之流澤遠矣鎡能奉先訓親師擇友學篤而詣醇宜其見重於朝野哉廷芳爲鎡詞館後進復同學於子方子之門嘗歎其論議閎深旣歛其仁賢而又感其遭逢而未竟厥施也惜夫又都察院左副都御史雷公行狀

隱承方

公諱鎡字貫一號翠庭先世系出馮翊自唐時由豫章遷閩之甯化今爲甯化人曾祖某祖某俱隱居未仕父某縣學生三代俱以公官贈通奉大夫通政使司通政使曾祖妣某氏祖妣某氏俱贈夫人妣李氏贈太夫人太夫人生三子公爲長自幼研窮經義年十七補縣學生肄業鼇峰書院時漳浦蔡文勤公掌教公讀其學約爽然知道入德之方雍正癸卯舉於鄉至都寓文勤公邸不投公卿一刺時相國高安朱文端公與文勤公居比鄰文勤公謂曰高安素知子子可一見公以陸平湖在京不敢見魏蔚州爲比公領之下第後文端公禮先焉乃往見遂以所著易解屬校訂庚戌會試報罷時合河孫文定公以工部侍郎兼祭酒過文勤公邸公曰孫公實爲子來當一往以答其意公對曰不敢

也將有保舉毋乃近於自媒乎文定公竟薦之補國子監學正癸丑會試中式朝考第一名朱文端公以踐履篤實才識明通薦改庶吉士館師桐城方望溪先生負天下重望於世士鮮當意者獨心契公以第一流入相期許已而假歸

今上續承大統

召入侍阿哥書房講讀

賜第內城感疾未與散館

特授編修遷諭德其在書房自持嚴正而和婉善入恪勤不懈於中貴辭色不稍假編修余君棟丁憂以

皇太子薨入京留侍焉公奏

皇子侍學之人必明大義篤倫理方於學術性情有助余棟父喪未葬

若隱忍行走則講書至宰我問三年章何以措口於天下風化有關於

是余君得終制丁父憂去官服闋仍入

上書房再遷至少詹事充日講官起居注旋擢通政使丙寅二月應

詔陳言略云

上諭戒飭臺諫諸臣處心積慮總不外名利二途此我

皇上裁成激勵望其警惕猛省以古之純臣爲法也然似因一二臣之

言行不符遂概疑及臺諫諸臣恐志欲建白者形迹之間近於博取虛

譽冀望陞遷輒轉懷疑徘徊中止夫就臣子而言不惟不可計利并不

可好名而在朝廷樂聞讜言不必疑其好名并不必疑其計利又云孔

子稱舜隱惡揚善則知當舜之時亦不皆有善而無惡惟舜隱之揚之

所以嘉言罔攸伏明目達聰用成執兩用中之至治又云信任忠良練

達之臣屏絕諂諛容悅之習不爲無事之遊幸以增費累不耽無益之

玩好以妨幾務奉

硃批雷鉉此奏朕嘉納之前謂臺諫不外名利是圖亦謂彼一時有此

氣習耳今則漸知省改矣若夫大舜之隱惡揚善固朕所日勉焉而未

逮者也三月稽察覺羅右翼官學

賜宴瀛臺八月

命督浙江學政賜詩有爲汝便因養老母之句旋調任江蘇條奏學政

事宜選拔宜兼老成重經學貢生肄業成均經義治事宜核實舉行改

都察院左副都御史視學政如故癸酉冬又調任浙江凡居江浙六年

公慎自矢所舉拔多知名士浙人謂不動聲色而弊絕風清百年來所

僅見有知府勒教官捏報劣生已別擢去公核實劾之乙亥秋浙西災
公寓書督撫勸其入告弗聽乃自奏即荷

恩賑濟民困以甦丙子陳情得請歸里丁丑春迎
駕江南凡三蒙

召見詢母年老狀

御書萱榮綬社四字賜焉命亟歸為母壽先是供職京師前後蒙
賜福字及尙方珍物不勝計公天懷純至無一事不曲體親心朝夕視
膳問寢藹然孺慕根心生色友愛兩弟待族黨由親及疎恩誼周篤有
匱乏量力飲之常若欲然律已嚴而待人恕從不逆詐億不信人亦卒
無能欺者倡修大宗祠復建三代祠置產以豐祀事已卯春丁母憂執
喪毀瘠成疾及葬冒風露陟原嘯病遂劇彌留時惟誨子孫孝友讀書
不及家事十月廿五日遂卒壽六十有四公始學從蔡文勤公遊即手
錄性理精義中總論爲學之方及立志存養省察致知力行數篇以爲
繩準口誦心惟身踐曉夜汲汲無時或懈稍有疎忽即痛自刻責若無
所措其身者文勤公稱其爲人如楊江陰江陰者文定公名時也平日
讀書窮理研精覃思識見周徹洞悉自古聖賢君子學術之純疵一以

與傳三十

七

程朱爲宗而凡流於異端似是而非者不能惑也嘗謂陸王人品事功
卓然千古學術則恐貽誤後人因作象山禪學考陽明禪學考以示學
者其在書房進呈講義力辨于危微之界反復于克念罔念之幾以推
極于天下治否生民休戚莫非聖帝純王之要道于中朝名臣宿望有
淡於進取自立崖岸者必折節定交士有片善必加搜討所交多嚴穴
奇士在江浙發學政條約頒行小學書刊布陸清獻公年譜以助多士
每府試竣輒召其學品優者究明經史疑義辨析學術源流告以立志
居敬窮理反躬之切務一時觀感興起爭自濯磨者所在有人焉有所
造訪或鄉里未知姓名相顧不知何以得之其佗僚終身者每見於文
寓惋惜之意若集中五布衣詩兩王生傳是也所著有經筵堂詩文集
自恥錄聞見偶錄讀書偶記校士偶存共若干卷建甯朱君梅崖序其
文集有曰公之學以躬行爲主以仁爲歸以敬義爲堂戶以人情事理
爲權衡以六經爲食餌以文藝爲紳佩以獎引天下之士爲藩牆而於
邪正之界流漸之潰析之尤精防之尤預大要宗朱文公而以薛文清
陸清獻二公之書爲譜牒生平出處按之固已無一不合於道所爲文
章則皆本其躬行所得者而慰唁問答解惑條指發德辨姦析事類情

以綜王道之要以會天命之精君子觀於斯言亦可以知其大略矣配

巫夫人子男三人定清壬申恩科舉人直隸東安縣知縣定樹監生定源貢生女一人適巫國維孫四光楠諸生光槐監生光榮諸生光杰曾孫男三國樑諸生餘幼葬城東魚潭鄉之源巫夫人耐焉謹撰次行狀上之史館如右謹狀

附錄三則

與周撫軍書云還杭城卽局門考試未得聆誨茲願獻微忱者浙中偏災地廣務圖明年春夏接濟今折漕既不及請非多糴外省米粟難救然眉紹興湖州二府固不待言嘉興一郡前日承面示嘉興本不成災祇因蟲傷之後八九月之交霜隕風暴以致有穀之形無穀之實則民無蓋藏可知杭州各縣近教官送考在省咸云雖無水災之處皆被蟲霜大傷與仁和無異今僅仁和一縣報災則小民含怨缺望則民無蓋藏又可知幸荷皇恩浩蕩截漕十五萬石以資賑恤又應行起運漕糧不論紅白和粳俱准一體收兌其應蠲免及緩征者皆有旨諭令體察情形分別辦理執事自必仰體

聖心公忠報國培養元氣聞執事論屬員云愛民生亦當爲國計竊謂

八

愛民生卽所以爲國計不可分爲兩途今祈嚴飭各屬被災之地向前批驗未准者准其補報據實再奏至散賑之際必不致小民報名有費有司報銷有費則浙民咸慶更生矣又自記書後云撫軍名人驥復札云秋災不出九月現屆隆冬無補報之例災黎固當撫恤而奸民得隴望蜀妄冀非分刁詐之徒每造言生事如各教官者流其言亦不足信云云夫已得賑之民更思求賑則可謂得隴望蜀今嘉興一府杭州八縣均不報災嗷嗷待哺詎爲妄冀非分可乎教官之言或不足信嘉興七邑縣令赴省懇求折漕何以皆不見聽且加訶斥乎見旣齟齬只得入告有

旨密飭毋得諱災而制軍獨能實心查勘宣揚

德意遍賑災民乃復蘇先是予移書制軍答極委婉有此後有所聞見仍望頻頻示教使知黎庶情形之語迨撫軍罷予校士嘉興制軍貽書云武林距禾稍遠仍恐有司欲護前非有心紛飾惟祈密示安輯予試湖州又詒書云放棹禾中一路情形均與台指相符云云制軍喀爾吉善號淡園其居心行政庶幾得古人風

此稿寄隆乙亥年事

公爲鷺湖詩說曰乾隆八年七月余返自江南取道鉛山將遊武夷鉛山令鄭君之僑振興鷺湖書院躬課諸生余與俱至鷺湖諸生環侍鄭君請一言以示訓余曰講學之書先儒備矣惟在心體而身驗之奚容贅雖然朱陸異同聚訟至今始於鷺湖之詩試與諸生言之當日朱子送呂東萊先生至鷺湖東萊約陸子壽子靜二先生來會子壽賦詩云孩提知愛長知欽古聖相傳只此心大抵有基方築室未聞無址忽成岑留情傳註翻榛塞著意精微轉陸沈珍重友朋勤琢切須知至樂在於今孩提知愛稍長知敬此孟子指出人之本心所固有使知察識而擴充卽如築室之有基成岑之有址子壽此詩夫何間然但所以築室成岑正有結構積累之功非卽以基爲室以址爲岑也聖經賢傳辨別是非邪正以開牖人心胸正恐鹵莽涉獵不得其精微之意顧謂傳註可不留情精微可不著意乎當云溺情章句翻榛塞著意空虛更陸沈則得之子靜和云墟墓興哀宗廟歛斯人千古不磨心涓流積至滄溟水卷石崇成泰華岑易簡功夫終久大支離事業竟浮沈欲知自下升高處眞僞先須辨自今子靜此詩首二句卽子壽引孟子之意子壽未說及功夫子靜斡旋之故曰涓流卷石積至滄溟泰華滄海不擇細流

傳三十

九

泰山不辭土壤多識前言往行以畜德集義以生浩然之氣正如是也如謂自有易簡功夫則孔子好古敏求博學審問慎思明辨篤行亦爲多事矣人不盡生安之質不致知力行日積月累如何能踐形盡性若奮然立志返求爲己則眞僞之辨明自下升高非一蹴可至也朱子三年後乃和詩以寄懷云德義風流夙所欽別離三載更關心偶扶藜杖出寒谷又枉籃輿度遠岑此追憶當日相會時事也舊學商量加邃密新知培養轉深沈此探問別後功夫也因子壽脫離傳註子靜自矜易簡恐開蹈空之弊故曰只愁說到無言處不信人間有古今厥後朱子答項平甫書云近世學者務返求者以博觀爲外馳務博觀者以內省爲狹隘左右佩劍各主一偏而道術分裂不可復合此學者之大病又云子靜所說專是尊德性事而某平日所論卻是道問學上多了今當反身用力去短集長庶幾不墮一偏朱子之心虛公廣大所以爲百世儒宗子靜白鹿洞講義朱子深取之謂其足以發學者隱微深錮之病蓋陸先生兄弟之學固不可因鷺湖二詩定其生平朱子答呂東萊書云近兩得子壽兄弟書卻自訟前見之誤東萊與朱子書云陸子壽前日經過留此二十餘日翻然以鷺湖所見爲非又云陸子壽不起可痛

篤學力行深知舊習之非求益不已朱子祭子壽文尤深痛惜謂其降
心以從善豈有一毫驕吝之私子靜與曹挺之書云學者且當大綱思
省平時雖號爲士人雖讀聖賢書其實何曾篤志聖賢事業往往從俗
浮沈與世俯仰徇情縱欲汨沒而不能自振日月逾邁而有泯然草木
俱腐之恥到此能有愧懼大決其志乃求涵養磨厲之方若有事役未
得讀書未得親師亦可隨處用力檢點見善則遷有過則改所謂心誠
求之不中不遠若事役有暇便可親書冊此段每讀之令人通身汗下
陸先生未嘗教人廢書冊亦卽此可見今之主張陸學者尙曰據依在
心豈靠書冊爲有無其弊不至不立語言文字不入禪學不止豈陸先
生之教哉卽曰在人情事勢物理上做功夫並非頓悟其不至師心自
用臆見自逞者幾希我輩惟在脫去俗學如朱子所謂讀書則實究其
理行己則實踐其迹念念向前不輕自恕而已矣程鈔堂

遠祖詳生八子兄弟有成言沒必合葬其後子孫無一敢違先志者上

又勵志雜錄

太極西銘正蒙遺書先儒許多言語只形容得這箇充塞遍滿無些子
罅漏所謂道也者不可須臾離也

碑傳二十

十

學而時習學字兼知行敬思釋浹洽知之精也所學在我行之實也坐
如尸立如齊居敬之密也窮理以致其知力行以踐其實居敬以成始

成終聖賢之學其有出於此者乎
妖壽不貳聖賢看破死生與釋氏同但修身以俟之功夫卻自別以蕩
蕩之天懷而守乾乾之惕厲

隨處體認天理

安順之時當戰兢惕厲憂危之際當寧靜寬舒

人心之正處卽天心也

陰陽鬼神之說聖人於易言之他書未之及也故子貢曰夫子之言性
與天道不可得而聞迨周張二子始切切指以示人然要人知得卽氣
卽理無物不有無時不然不可須臾離御工夫乃是教人切近處非是
教人高遠也

天下古今義理精微無過於四書集註不知讀此雖說得極高妙終是
驢淺

程朱之學敬而已矣

理不雜於氣故曰無極而太極也理不離於氣故曰無極之真二五之

精妙合而凝也惟其不雜故孟子道性善惟其不離故孟子言踐形惟其不雜故曰無聲無臭惟其不離故曰有物有則

顏子不遷怒不貳過正是克己復禮工夫做到全是一團春生之氣得天地生物之心也故克己功夫以治怒爲先怒便失卻溫和沖粹之氣與仁相去遠矣

金革百萬與疏水曲肱一也亦只是靜吾人見些小利害到來便心動不得靈帖

人唯是洗卻私欲之心與天相對便廣大清明所謂君子終日對越在天也一部詩經吾取其小心翼翼昭事上帝

君子畏天命則私意自無所容矣

默識默成默字最好靜與天通也

講習討論是知一邊事省察克治是行一邊事戰懼畏象是敬一邊事知行敬三者是聖學之主腦敬兼內外故曰表裏戰懼所謂戰戰兢兢臨深履薄其心收斂不容一物者也可畏可象所謂正其衣冠尊其瞻視整齊肅莊不可輕者也其云德容表裏之盛舉成功而言敬者成始成終之功貫乎知行之中而統乎知行之全者也然則文王之敬止聖

禮傳三十

十一

人自然之至善而此章之恂慄威儀學者勉然之至善乎

誠意便有德致知便有才然人必意誠而後有才世人所以流於無用者以其虛而不實也故聽其議論則有餘按之實事則全疎必以實心辦實事不肯一毫放過處處實落便處處見其力量不謂之有才而何讀書全在涵泳玩味便是以義理養其心

養得性情和平方可作事看來古今莫大事業皆從性情上做來故聖賢之學只是理會性情

朱子言此心常在軀殼中爲主便須常如烈火在身有不可犯之色事物之來便成兩畔去又何至如是纏繞此言持敬之功嚴密剛毅無懈

可擊凡人心纔敬必抖起精神異樣威武所謂常如烈火在身也一不敬便冰消雪冷怠惰萎靡而放僻邪侈之心入之矣

人不能處大事只是疑懼二字窮得理明則無疑養得氣足則不懼文人讀書只要記誦典故以矜淵博不求分別是非講明義理故臨事便

鶻突狐疑漫無可否決斷專學作文鏤心刻骨心氣虛耗膽志薄弱一當大事便張皇驚恐畏蕙無措所以古來文人都無事業飄風不可以

調宮商巧婦不可以主中饋文章之士不可以治國家

李梅崖有言養先於教除害先於興利此爲政之序也又謂州縣以積

穀爲要身經歷者知之

須從舊法中做出新政來只在事實做實做便無弊不實做便都是

弊爲政不先整飭得胥役使他革面以從事便一事不可爲凡有舉動皆

成弊政害民

接物以和所以平人情之險阻

誠僞之分人鬼之關也今所謂才智者盡是些鬼家活計講得趨避法

豈所謂才才須從一片至誠做出

周濂溪先生胸中灑落如光風霽月此言其心體也又曰遇事剛果爲

政精密嚴恕務盡道理剛則不屈果則有斷精則不粗密則不漏嚴則

不弛恕則不刻合而觀之聖賢之體用見矣

不學使老而衰志氣衰也能學則志以帥氣血氣雖有時而衰而志氣

日見其剛大

爲政要便民知吾好惡所在而信其非僞則治之亦易而風俗漸趨于

正

碑傳三十

三

緊要處移脚一步便差到不可救藥

決斷民事必本於人倫原於道理務令久遠相安所以正人心而厚風

俗有友人議一前輩謂潔己而不求人弊子曰爲小官則可若居大位須

以激揚爲先養惡容奸正是己之不潔

應觀前史凡忠實任事者有成苟且偷避者必敗

潛菴先生謂利心卽不動矣而名心未必全消邀福之念不生矣而妖

壽未能不貳凡此皆非眞金經不得烈火一煅此言極好

心氣太耗便不能應事

潛菴先生曰今天下大病總坐一僞字有來相問者惟欲先去此字然

後有商量處此程朱之眞脈也

文章只有明道紀事二者舍此更有何文

爲大臣者以激揚爲要務使見善不能舉見不善不能退而徒殫精疲

神於簿書出入之際禁令文告之間則何益矣

默與天遊

聖人力量大亦只是收拾人多觀於孔門可見孔門人才最盛五臣十

亂而後未之及也當時一用孔子便舉諸弟子分布眾職更何事不可成卽朱子救荒諸政做得好亦全賴及門之力故爲治以得賢才爲先爲政地方只要無事除盜賊鋤豪強清詞訟革苛斂處衙臺禁打降洗冤抑無非只求無事而已官欲晏安怠惰一切不管爲無事則民間遂紛紜多事

要做伊尹事業須先礪伯夷風節

文正公與朱秀才帖云人生憂多樂少惟自適爲好此言當與先憂後樂並觀又與中舍云今旣病深又憂家及顧兒女轉更生氣何山得安卽放心逍遙任委來往如此斷了旣心氣漸順五臟亦和藥方有效食方有味也只如安樂人忽有憂事便喫食不下何況久病更憂生死更憂身外乃在大怖中飲食安可得下請寬心將息此言可以遣病又朱子論文正云古人定大難者不知是如何不知范文正寇萊公人物生得如何氣貌是如何平日飲食言語是如何樣底人今不復得親自看他且得個依稀樣子看是如何地如今有志節擔當大事人亦須有平闊廣大之意始得觀此數則可以想見前賢胸襟氣象矣

范文正公嘗言史稱諸葛武侯能用度外人用人者莫不欲盡天下之材嘗患近己之好惡而不自知也能用度外人然後能周大事此良相之言也

碑傳三十

十一

程子曰安定之門人往往知稽古愛民矣須是稽古方能愛民惟看得做官是爲百姓之事故斷不肯求人有人求人之心便已自喪其所守俯仰懷慚志氣餒敗如何更能做得事業

碑傳集卷三十一目錄

乾隆朝部院大臣上之下

光祿大夫都察院左都御史仁和金公德瑛墓誌銘 陳兆嵩

又故都察院左都御史前提督江西學政金公教思碑 魯仕驥

兵部右侍郎蔡先生長湮墓誌銘 陳宏謀

資政大夫內閣學士禮部侍郎前工部左侍郎張公廷瓌墓誌銘 姚範

又內閣學士前工部左侍郎張公墓誌銘 劉大槐

資政大夫總督倉場戶部右侍郎蔣公炳墓誌銘 彭啟豐

碑傳三十一目



資政大夫內閣學士前工部左侍郎張公墓誌銘

資政大夫內閣學士前工部左侍郎張公墓誌銘

資政大夫內閣學士前工部左侍郎張公墓誌銘

資政大夫內閣學士前工部左侍郎張公墓誌銘

資政大夫內閣學士前工部左侍郎張公墓誌銘

資政大夫內閣學士前工部左侍郎張公墓誌銘

資政大夫內閣學士前工部左侍郎張公墓誌銘

資政大夫內閣學士前工部左侍郎張公墓誌銘

乾隆朝部院大臣上之下

陳兆崙

光祿大夫都察院左都御史元處士涓以來代有偉人以文章顯其先本程氏唐上柱國歙州都知兵馬使湜十六世至涓幼孤無依母蔣之女兄適金氏應元實撫育之長妻以女涓之子曰佑曰仁以仁後應元長子卒無嗣佑復以季子干後金而干之同產曰兆曰任二支子姓繁衍迄今又十餘世仍金姓不忘本也公諱德瑛字汝白一字慕齋又號檜門曾王父曰章奇公字爾常任之九世孫於兆之九世曰聲正希先生為兄弟行正希以文名世爾常見世衰亂獨棄書治生僑寓常州遂豪於財百餘年來近屬幾千人皆賴以養生送死公故有富名以此其實分張歲息衣食粗足而已性好古下筆必力追作者工書法出入晉唐善鑒別金石摹本及古人手跡真贋日以此自娛顧其留意世務所見聞輒入告不以非其職自諉

上因是賢之寢至大用乾隆元年由丙午順天鄉舉貢禮部廷試讀卷

大臣置公卷第六

碑傳三十一

上特拔第一授翰林院修撰自是連充福建江南考官故寄籍吾浙仁和其宗人皆在休甯故邑例應引避辭不許七年視學江西連擢侍讀右庶子滿三年特旨獎留十有二年還朝擢侍讀學士少詹事當是時海內文風甚盛極弊生競為詭澀公自束髮操觚熟精理法於制義源流正變靡不洞澈所至人不能欺十五年遷太常卿十七年代祀古陵於山西既歲事有釐正祀典一疏其詞為都下傳誦畧曰伏見女媧氏寢宮中設婦人塑像鄉愚奉為求嗣之神夫斷釐立石固聖人所不言和樂誅凶豈當陽為女主推其命氏蓋如姬姜姚妣之倫遠在洪荒難求日角龍顏之肖理宜毀去舊設別造神牌瀆喪私祈業從禁絕上善其議從之是年四月視學山東十九年遷內閣學士明年遷禮部侍郎其秋典江西鄉試先是丁卯歲自學政還朝值齊魯告饑上大發帑金賑救而鄒滕以南被災尤劇有司格於例限未敢以聞公入對言狀即日奉旨展期博濟至是白典試還道出徐州黃河故道向繞徐城東注是秋

澗雨暴漲河決上游孫家集奪溜微山與運河通兗州金鄉魚臺諸縣
漫爲巨浸而徐州故道以澗公挾土入策杖登雲龍山周諮水性地勢
得其所以去所以就所以壅所以潰所以消長爲悉陳

上前卽日特遣大臣往勘如其言用大興濬築水患以平自雍正初申
嚴學臣貪穢之禁繩以重典

上謹持成憲用法益果京員出使者類能廉慎自守然或以清素故節
番過當至於幕下賓友寥落所經佳山水多不挂眼其於地方利益
無所關人亦不責而公恤恤然體國愛人之心形於不自已如此二十

有六年由直隸學政擢今官所條俱臺省便宜事悉稱

命巡視通倉得疾越歲而病竟不起年六十有二公家累世孝友父默
齋先生碩論卒後伯兄德鉉繼歿持家惟叔詢蘭皇一人丙辰覃恩特
疏陳情旬以本身應得貤封得

旨報可辛酉冬銜

命渡江復請假歸省拜封君里門雀十許日羣從咸在於是遂奠淚先
塋張筵老屋並召同社父老會餘極歡時公意以春秋方富似此天倫

碑傳三十一

二

之樂當不止一見於卽事留別諸篇而二十年來往來南北竟未暇續
舉蘭臯已先公六年下世矣蓋人生會合時少其在宦途又加少閒一
有之多自謂草草未滿意庸詎知未滿意之境卽其至少而不可再得
者耶嗚呼是可慨矣爾常公之子曰敦頤自爾常以下皆以公貴諸贈
光祿大夫如公官配皆一品夫人視公元配汪氏生七子曰忠湜早卒
忠澤見任國子監主簿候補員外郎忠潔丁卯舉人忠濟甲戌進士見
任知河南遂平縣事忠湑國學生忠沂忠泉皆幼孫二人忠濟子後忠
湜者曰孝本承重二十七年八月孝本等扶柩南歸將奉汪夫人殯合
窆而求志其墓某於公之交可以常年不見而不能一日不思不自知
其所以然也今已矣銘曰
柱國之裔育金而昌富貴有時盡而不朽者文章官稱其人以道途老
雖以是老亦以是得仰取俯拾遐搜幽討方其陟匡廬過玉峽叩康王
谷坐臥於雪瀑雲松屏臺輿而侶樵牧見者忘其貴人又先後度霞嶺
俯劍津循道山之麓步炎海之濱縱觀鷗波賈船之衝薄而欲化其形
神旣乃維舟歷下梯閣登州桴彈子之旋渦賦大蜃之危樓弔坡翁之
遺躅爲長吟以消憂若其間歲入朝頻邀扈

蹕吉林一至木蘭三出每倚馬而賡詩動

皇情之歎息後採風輦下闕山前後擊壤吹葦或童或叟又何有於文

普香臺荆高渡口倚茲山川之助增長骨氣疏淪性靈日作千字平原

永興鬱發揮於篇什則韓子與杜陵嗟乎檜門吾不知後人之議論奚

似而其不可磨滅者稿草具存吾又不自意先生生天而後死得為公

書石荒原念平生之約誓聊以妥其幽魂

又故都察院左都御史前提督江西學政金公教思碑魯仕襲

故都察院左都御史仁和金公諱德瑛號檜門乾隆六年以翰林院修

撰奉

天子命來督江西學政越三年政成

天子以其造士有方晉其秩仍留江西學政任又三年報滿乃遷官去

公之始至慮巖棲谷處之士安於卑陋弗克敦崇實學以稱

聖天子求才無遺之至意乃頒學約釐文體教人以通經學古為務其

言懇惻詳盡讀者聳然異之既蒞試事士聞其取舍信其教益相勵於

學於是江西十三郡之士家有經傳子史百家之書其文章恥為剽竊

雷同浮游不根之辭蓋公論文不立規格其能澤於古而以才自見者

雖小軼繩墨亦棄瑕采錄而得一美才輒咨嗟愛惜惟恐其弗克成故

其立教也信而士之服公教也神公在江西六年凡江西之老師宿儒

與夫瑰奇俊偉之後生才俊甄拔幾盡比其去也舉於鄉會試出而為

世用者幾及其半自公之去至於今三十年矣土之舉鄉會試卓有名

稱號為宿學者大抵多公當日之所甄拔者也嗚呼公之教澤遠矣聞

公之風者咸感歎思慕願卓碑載公教以興起承學之士而以辭屬仕

驥廼作詩曰

皇御九重右文稽古煥其經緯賁於下土元年策士爰得金公
親擢第一以振土風公在翰林益懋厥學曰惟主知敢不勤懇
皇鑒其勤命式大邦乃銜
帝命視學西江公來西江嚴嚴翼翼大鑄羣士俾學而殖公之視學炯
炯眸子別其妍媸用勸多士土服公教雷霆兩風起其羸瘠警彼曠蕪
曠蕪既警羸瘠既起式瞻多士羣材濟濟濟羣材維公之培乘運斯
奮秉德不回公培羣材豐豐六載羣材歸之百川赴海公今遠矣公教
彌長繫思多士何日而忘琢辭於石以志公澤於萬斯年多士是式
兵部右侍郎蔡先生長瀆墓誌銘陳宏謀

少司馬漳浦蔡公克齋卒京邸之明年歸葬有日其弟比部瞻亭以狀請銘予維閩故爲理學之鄉

本朝自安溪相國李文貞公以名臣名儒爲朝野重望師友淵源人材繼起後先相望少宗伯蔡文勤公眞儒實學久侍講幃蒙

眷獨殷中外推重子官京師獲拜文勤公于邸寓道味相親每一晤談皆閱歷有得之語不愧有體有用之學公爲文勤公仲子端謹質直克

繼家學蒞任江南卽與子同事最久知公深固宜爲公銘按狀公諱長雲字巨源號克齋世居福建之漳浦公爲世家子性行篤實童穉時儼

若成人無紕袴紛華之習年十三補弟子員侍母劉太夫人入都省覲隨諸兄左右奉養得兩人歡心未幾遭母夫人喪哀毀骨立長兄輩皆

奉喪以歸而文勤公旋病篤遂不起京邸侍疾含斂惟公一人附身附棺恪遵文勤公所著家禮節要毫無差池日下公卿羣推其孝乾隆三

年食餼於庠學使者以學行兼優特薦引見得旨發江南以知縣用五年署甘泉令明年授石埭令遷句容無錫兩縣

令又遷太倉牧越六年遷江甯府知府調廬州府知府又調松江府知府越七年遷江南驛鹽巡道又八年授四川按察司時辛巳七月也明

神傳三十一

四

年

特擢兵部右侍郎蓋自始仕至今歷二十有四年其始蒞甘泉也邑故

五方雜處商賈雲集奸匪最易潛藏公稽查最嚴懲戒一切而仁心爲質人咸懾服俗尚淫祀好遊觀公至嚴禁之毀寺觀十餘所與唐狄梁

公之奏毀淫祠及本朝湯文正公之驅五通先後符合力屏苞苴絕餽謁往來非公事不接紳士人亦不敢以私于其嚴氣正性慤終身不易

也句容有劇盜宗千里繫於獄久不決波累者無算公秉公鞫訊以至誠感之廉得眞而首從以定秦淮沙流壅阻水勢洶湧當事亟議疏之

公循行視水道考源委究高下因建議開石湫濬赤山湖使支流旣暢河水順軌其刺太倉也有民婦詭稱其女曰活菩薩煽惑郡邑公立發

其奸寘之法一時皆服其神其任江甯也首郡地稱劇要公勵精治理案無留牘時值海饑加賑公議以錢代米民咸稱便相國黃文襄公移

節江南守令皆迎拜道左公獨長揖自後日一趨謁卒未嘗一屈膝也改守廬州會東鄉大水田廬盡沒公救饑拯溺民復故居又勸報阜陽

毫秦諸州縣災與所在守令異大吏將易官重勘公乃大言論淮石地瘠民貧積水難涸雖偏災亦當卹大吏乃從公言災民咸得賑松江爲

疲難大郡號難治公坐鎮措施民以不擾議築華亭之金山林家嘴二塘以防秋汛迄今潮汐得無患任江南驛鹽巡道奉檄開睢河挑丹陽運河公減騎沿堤首先率屬往來督視歷次提調文武兩闈清釐弊竇體恤諸生平時作養士子振興學校至今士林咸頌焉計公官江南由縣令至監司者闕十有五年一切勘災發賑修堤築防諸要子每與參酌公一秉赤衷不執成見虛心實力利在必興害在必除至今歷歷可數故予去後而兩臺皆交章稱薦疊邀特擢也兼聞公初蒞江南值飛蝗起撲捕紛然公引罪自慝爲文以祭八蜡蝗亦旋滅後領七十餘艘泊清河遞送旂兵河流淤淺膠舟公齋祓虔禱忽東風大作水漲三尺遂得利濟人以爲公精誠所感云秉臬四川治案牘午夜不休以平允聞川本魚米鄉治生較易楚越游惰之徒往往徒手入川而所在嘯聚爲匪號啗子禁例綦嚴捕獲者率皆優敘公申頒條教糾繩不事姑息強暴斂跡未逾年而兵部侍郎之命下矣蓋公生平純厚坦白衷無矯飾任事一矢勤慎不墮家聲天子鑒其年勞最著又念文勤公之後無膺顯秩於朝者乃有是命陞對之日恩禮有加公益感戴

碑傳三

五

隆恩刻自淬勵中樞爲本兵重地趨直入署無虛日雖嚴寒不少間終以致疾疾後猶時強起披牘畫諾是可謂一心公事夙夜匪懈者矣公自幼爲王母吳夫人所鍾愛疾執其手曰此子異日必大成恨吾不及見耳後謁相國朱文端公邸第謂其天性敦厚充其所至可作純儒簡儀親王秉節兩江公爲屬吏愛其才後入都引見王指于眾曰此吾前日所稱江南第一清官者也其爲一時先正名流所賞識如此平居澹泊自甘無他嗜好於姻族困乏者盡力周卹不少吝卒之日家無積糧亦可以知公之操矣事叔父兄長以敬撫弟姪以慈旣官京師與弟比部瞻亭寓扉相望日夕過從聚談至漏下怡怡友愛如幼時嘗語子弟曰人生惟剛一字最難體認剛則無慾無慾則公正又語僚屬曰居官以清正爲本以勤爲先然勤之一字必殫出其精神以貫注於一郡一邑中皆名語也設天假以年罄其底蘊拓其才力恭逢聖人在上明良喜起於以大展前猷澤被民生胥於公是望而竟賈志以沒此同人故友所爲歆歔感歎而不能自己者也公卒於乾隆二十八年十一月二十九日距生於康熙四十九年九月二十八日享年五十有三歷任兵部右侍郎誥授通議大夫例贈資政大夫配吳夫人前

山東濟東道興業公女內則具備淑德宜家側室陳氏男四人長來次本梓次本森嗣弟長浩後次本尚女二人長適顏形塚次尚幼孫男五行擢行憲行豁行昌行熾乾隆某年某月某日卜葬於某鄉某原係以銘曰

明德之後世啟達人治行積懋維清以勤破觚斷雕食德飲醇雨膏棠蔭媿美召卹使竟厥施光被網緼元氣中徂浩浩還眞一棺故里落落

星辰松柏鬱鬱詞勒貞珉

資政大夫內閣學士禮部侍郎前工部左侍郎張公廷瑑墓誌銘姚範

公諱廷瑑字某太傳文端公第四子也生有異質文端公愛之往往形

諸詩歌比長讀書日數千言爲文章標鶩奔放而必衷於經訓年三十

舉於鄉又十三年雍正元年成進士改庶吉士授職編修公少學問卽

究切經世之學通籍後恭逢

世宗憲皇帝勤求治道令羣臣得言事公以詞臣數有陳奏皆勅議施

行歷官左春坊左贊善翰林院侍讀晉學士又擢詹事至

今上卽位特授工部侍郎兼起居注部臣故無兼起居注者公自編修

官記注自是迄告歸兼其職殆二十年充

六

世宗憲皇帝實錄副總裁元年充會試副總裁四年仍以原官轉左時

值京畿水災督臣奏請民間堤埝輸工助修而官則寓賑於工責辦有

司公條畫其所不使而奏請民堤工價亦准官堤給半且州縣官據日

見以振業貧民部臣不當於奏銷據例裁省使有司畏事而不能班布

國家哀憐窮黎之意又奏各省鄉試改用在籍舉人不便皆允行之元

年共事山陵嗣修太廟天地壇場公飭材鳩工皆書伐增級五年試學

江蘇旣竣事充武會試正考官八年轉補內閣學士兼禮部侍郎充江

西鄉試考官九年扈

駕至多倫諾爾十一年具疏乞休

天子哀其羸病許之公旣歸閉戶率子弟飭行讀書編輯家譜理祭田

以事先增義田以收族吉凶之禮秩如也公生平食不三豆衣無華好

然親故族姻胥賴以濟困而公之所以隱親計處之者亦不知爲異體

異人事也公以十一年歸里家居九年以乾隆二十九年正月五日卒

享年八十有四明年十一月二十一日葬於縣東五里雁翎莊公高祖

諱清明隆慶戊辰進士仕陝西參政事載明史循吏傳曾祖諱某祖諱

某俱以文端公及文和公貴累贈光祿大夫少保兼太子太保夫人吳

氏某官之女温淑莊慎承先公先姑遺則子婦服其教鄉閭循其法先
公十年卒至是合葬公墓子二人長若泌雍正乙卯舉人次若渠乙卯
副榜早卒女三長適候選知州孫某次適顧某次未嫁卒孫六人曾某
以廕候選曾敘監生曾修增生曾敷選拔貢生曾產庠生銘曰

公之初升蓋逾強仕文和枋國春官典禮分佐司空秉度垂式當官而
伸結誠以久不詭不隨迨於暮齒出則那楨居爲獻軌遵彼松阡百世
仰止

父內閣學士前工部左侍郎張公墓誌銘 劉大輿

內閣學士張公桐城人諱廷琢字桓臣別字思齋大學士文瑞諱英之
子大學士文和諱廷玉之弟也公生長貴冑而敦篤誠樸絕去華靡綺
紉之習其天性仁愛洞悉民生衣食之艱難常推己以及於宗族戚屬
交遊里黨中雍正癸卯進士授翰林院編修充日講起居注官歷左贊
善翰林侍讀侍讀學士詹事工部左侍郎後補內閣學士兼禮部侍郎
公在翰林嘗條奏民間賭博習非已久
朝廷雖頻申嚴切之禁而卒莫挽其頽風竊以爲子弟之不率其責在
於父兄比室而居乃於其間肆爲不善豈得若罔聞知設使代爲容隱

傳三十一

七

卽以秘匿作姦相連坐比於竊盜同居之律使父兄能舉報其子弟之
罪應免其連坐而子弟之罪亦寬減其半然後其父兄無所瞻顧而不
才之子弟無所容其姦且開以自新之路如是推行旣廣庶幾其風稍
息

上躋其言允行之公在工部筋材督事綜覈最稱詳密於寶源局之鼓
鑄較銅鉛視肉好別輪郭量輕重不憚煩煩吏斂手不敢爲姦而於解
送銅斤之官弁不苛不縱獨得其平中北直大水總督直隸臣請使饑
民修堤稍給工食以代賑濟公獨陳疏謂饑民非有田在堤內爲其分
所當修而強使力作又受直無幾徒膺服築之勞苦而不足以救其饑
餓彼富民有田資堤蓄洩乃因官爲修築得以巧逃役外事之不平無
過此者夫民堤無異官堤宜令官予其半而有田資堤之富民更輸其
半然後雇直足以供朝夕而輸錢用力於饑民富民之間兩無偏倚

上又躋其言允行焉

上嘗稱公謹筋屢畀以衡文之任其視學江蘇務殫竭精力以殊別高
下較閱常至夜分不倦所拔多績學能文能自守其業者公雖世家貴
族而於利人濟物奔趨如勇士撫孤姪若爵若霍若霽教誨婚嫁無異

於所生文端舊立義田文和續置增多然族屬殷盛歷久而用猶不周
公復同太保宗伯兩兄其捐白金千兩別其親疏列爲上中下三等以
爲族人計口授食之備又立篤素公田得穀九百餘石以贍文端以下
之子孫又立息濟田以濟其從弟承先子孫之貧憊又立廣惠田以周
友朋故舊戚屬之困乏公少肄業吳歌熙之門歌熙沒其子相繼亡公
爲迎養其夫人於家數十年如一日公之鄉舉出豐令朱君龍御之門
朱君去官而貧公時使人饋問其家時其來過必豐其贍贈盡歡而去
康熙戊子邑東水溢爲災田廬皆沒公設廠於城西爲粥糜以食餓者
親嘗其厚薄涼暖而後授之食其後疫從饑起公爲延醫救治公與二
僕皆染疾二僕死而公獨得全人以爲天所佑云甲午大旱按察楊公
請紳士分鄉募賑公主東鄉正月二日卽啟行捐米爲倡分二廠近者
食粥遠者給米全活無數又以其餘米買山以掩埋枯骨之暴露者嘗
曰財以備用不用奚以財爲又曰財不可聚聚則爲患害故常捐己以
利物薄取而厚與衣食皆自取其敝薄者曰吾衣敝衣覺體輕年踰八
十食不二味交遊及門下之士或餽方物物少則受之至幣帛財貨輒
堅謝曰吾家温飽足自供無需於此也公以乾隆二十九年正月六日

傳三十一

八

卒享年八十有四元配吳氏河南提學副使子雲之女誥封夫人子二
長若泌舉雍正乙卯鄉試次若渠同科副榜長女適候選知州孫循綿
次適監生顧麒曾以乾隆某年月日葬於某里之原使人來請銘銘曰
張氏望族夙顯於桐二相繼起厥聲逾隆公維子弟慄慄其蒸輸其忠
實以辦於公溥其慈厚以睦於宗凡厥親故靡不有容旣豐而約旣滿
而冲羣推長者匪位之崇巍然華表維公之宮堯堯者石丸丸者松無
敢毀拜世聞其風

彭啟豐

資政大夫總督倉場戶部右侍郎蔣公炳墓志銘
公諱炳字曉滄一字晴厓陽湖人其先居常州之義興五世祖敷始遷
于府治曾祖諱士英祖諱紹元皆以公貴贈資政大夫曾祖妣吳氏祖
妣王氏皆贈夫人考諱樞嘗仿朱子社倉法行於鄉封資政大夫妣張
氏贈太夫人生子二公其長也公自少魁岸負經濟略雍正四年舉順
天鄉試七年考授中書舍人直軍機處十年鄂文端公經略西陲請以
公偕行比還授廣東道御史乾隆初
上屢詔求直言公上疏極論進退黜陟之宜反覆數千言其大要歸於

碑

主德尊國體

上嘉其剴切特詔部紀錄居言路先後凡四年章凡十餘上嘗言守令宜久任以責實效其未滿三年者不得輒行遷擢又言州縣徵銀之弊請飭下有司以部頒定額刑示民間俾吏胥無得暗行飛洒又請撤太原保定額外兵以省煩費又請禁按察司剛改供招以慎刑獄又言漕務通弊請嚴書吏抑勒斛手淨收以除民累

上皆敕部議行元年冬擢翰林院提督四譯館太常寺少卿明年夏以天旱奏請疏濬滯獄免各關糧稅五月奉

命祭金太祖諸陵路出良鄉房山諸邑見兵民廬舍多被水還奏請遣官賑卹秋又請除武進陽湖役田租以甦民困冬以母憂去官五年服除赴京補原官累遷順天府府尹七年順天旱請緩徵新舊錢糧八年

會

上謁

陵條奏調發民車事宜五條行之又請增廠減糶並給米二百石於養濟院諸處收養流民又請發帑往奉天買豆數萬石由海運至天津俱報可九年春奏直屬有井地悉為上產請飭各州縣給民口糧於少水

碑傳三十一

九

處掘井既可變磽瘠為膏腴兼可以工代賑是歲夏早五城設廠糶官粟而遠鄉之赴糶者苦之公請發米四萬石於四路同知處分設四廠以就民便

上遽行之十三年冬授兵部侍郎仍理府尹事十四年請毀直屬淫祠以修義學及養濟院十五年請發帑給車戶置官車平時聽民間私賃

遇徭役調集應用由是畿民之有車馬者益得休息十七年春奉命巡撫河南會往歲河決陽武凡水所過諸邑民不得耕種因請借給口糧籽種及緩徵新舊錢糧各有差是時山西陝西亦皆旱公預儲粟

十萬餘石已而山西檄適至即撥遣之十八年春上以陽武封邱延津武陟諸邑累被水諭緩徵積欠倉穀公請並緩祥

符等十八州縣商邱永城等五州縣其秋陽武再決堤壞四十餘丈晝夜培築閱數日而成民間被水者不待奏報遽發帑給之遂開茆河以灑河流而河患稍息二十年西路兵由河南赴陝公預為備自安陽至

商鄉分十五臺每臺車馬令其一日負載一日空返擇平敞地設營募商為市食兵至復躬往監之兵入境出境歷五十餘日而民間若弗知以父疾請終養

上慰留之夏封公卒持喪歸明年冬再起爲河南巡撫中途調湖南十二年秋前布政使楊灝以侵帑下獄當會審時公以緩決獻不稱旨請赴軍臺明年春

召還仍令直軍機處尋出爲甘肅布政使公至官會所屬海饑親往巡勘所奏賑卹事一如在河南時西陲方用兵徵發旁午公擘畫經費每夜治軍書申旦不昧奏銷三百八十餘案軍務告竣

上念公久勞遂有總督倉場之命而公之心力亦瘁矣公生平善知時務慷慨自奮中外所設施皆有成效每與同僚論天下事條析井辨若指掌上文好獎率後進推挽不餘力里居時置義田三百畝以贍族歲饑輸金以賑鄉人德之督倉四年以乾隆二十九年十二月十九日卒年六十有七明年秋其孤將歸葬公於某所賫行狀及奏稿數卷乞銘於余余故公同年友又稔知公乃書其大槩歸之夫人陳氏事姑謹能飭其家政年二十七卒祔公葬繼夫人楊氏子四長麟昌翰林院編修先卒次龍昌山西永甯州知州次熊昌戶部廣東司主事次騏昌國學生女四婿國學生沈鄂方某史某一未字孫四純裕國學生純禧純耀純祐俱幼孫女三曾孫二王祥王喜曾孫女一銘曰

英英蔣公天質挺拔惟靖惟共讜言奮越

天子毗公屢膺節鉞宣敷中外心力單竭公今往矣餘風有映行蹟在人粲如眉列子孫繼之溯乃貽厥陽湖之里高墳嶙嶙銘茲幽堂垂于來哲

碑傳集卷三十二目錄

乾隆朝部院大臣中之上

贈太子太師大宗伯沈文愨公德潛神道碑 錢陳羣

資政大夫工部侍郎芑公璨神道碑 陸耀


原任禮部侍郎齊公召南墓誌銘 袁枚

又禮部侍郎天台齊公墓表 秦瀛

誥授資政大夫禮部左侍郎程公巖墓誌銘 表日修

資政大夫吏部左侍郎何公逢禧行狀 孟起然

碑傳三十二目



Vertical text on the left side of the page, including the title '碑傳集卷三十二目錄' and various entries.

乾隆朝部院大臣中之上

錢陳羣

贈太子太師大宗伯沈文愨公德潛神道碑
國家當隆盛之時必有敦龐艾福之臣或以經術見優或以文章取重布在廊廟則朝多皞皞之良華首之老及得謝而歸則掌其鄉之教法以與其德行道藝史稱推其有餘足芘當世者代有其人顧未有一生勤學敦行不苟求聞於時晚受

聖主特達之知壽近百歲名動四裔身膺顯秩沒備飾終天下宿學英

彥莫不人人奮勵歆羨如文愨沈公之遇之奇也公諱德潛字稿士自號歸愚其先吳興人明初處士壽四公始遷於吳貫長洲十傳至公曾祖諱世烈鄉飲介賓祖諱圻邑學生有詩名考諱鍾彥課子有方公既

貴踞

上前涕泣陳情

上欄之特贈其三世如公官公生五六歲通曉四聲逾冠補諸生歷歲科試凡三十餘次鄉試十有七次問經學使者泊主司批閱可其文則

碑傳三十二

欣然有榮色數被薦不售亦無粹容弟子經講畫者多成名以去公願

益刻苦自勵形於詩歌無幾微怨尤語其安命類如此

上御極之元年徵試詞科公又不遇越四年己未始成進士入翰林則

公已將七十矣乾隆七年授職編修

上見公年老詢知為江南老名士敕和消夏詩十章稱

旨自是

聖製出輒命公賡和多所激賞不數年由春坊累遷詹事內閣學士兼

禮部侍郎直

上書房侍諸皇子讀書典甲子湖北鄉試充戊辰會試總裁俱稱得士

子汝誠亦出公門下公素有噎疾祭典自陳

上命解部務食原品俸仍在

上書房行走尋念其衰老許歸享林泉之樂初公為閣學時給假省墓

上賜詩褒其孝思預譙涵元殿

上手賜大學士以下十一人酒公與焉至是復

賜詩寵行詔朝臣祖餞稽古之榮古今罕覩公歸

上眷注益優有司以時存問縑帛棧餼之賜無虛歲暇日作天都雁宕

遊各窮其勝前中丞王公師撫吳延主紫陽書院講席造就後學多知名士子曩佐秋官儼直禁讜會公亦供奉內廷見公承

旨矢音力追正始

上嘗召公與論詩學源流論曰張鵬翀敏捷過汝汝風格故自勝之一

時同直者咸心服

上鑒裁之精既與予先後懸車解水鷺湖過從伊邇二十年中遇

國大慶赴闕祝

釐同拜

賜杖入香山高會圖形禁中頻歲

時巡江甸扶杖扈遊同拜

渥恩卽家晉秩昇以里精宮衙兩家幼子童孫亦成年輩

上曾賜詩榮稱二老每降救體恤必聯名綴屬領袖東南縉紳客歲奉

詔以高年戒勿北上呼嵩更迭勸止尤爲昇平嘉話公年長予十三歲

故子所兄事者也辱公序予詩文集稱許溢分竊欲及身傲司馬光范

鎮互爲銘傳而公已不及待矣公薨之明年孤子種松以狀來請予碑

其神道予惟

碑傳三十二

二

上之知公特深至敘其所著書爲涑水後所僅見公經進諸作原本忠

孝而於求莫達情三致意焉

上用是益重公天語褒嘉一則曰學有本原一則曰道存風雅世徒艷

公以詩受知顧

上所裁成之者亦復無所不至嗚呼公之生平非窮困積久則無以

厚其植非遭際

文思天子則無以發其蘊後有作者可以識所嚮往矣予故畧其行事

諸見彭大司馬志中者不復贅而大書公之窮不隕穫達不充詘足副我

皇上眷遇之隆俾揭於阡而系之詩曰

帝紘延攬天閭四闢陋彼漢廷蒲輪束帛有斐沈公神仙標格七十登

朝紆青垂白乞言者年陳詩其職會先九老歌和八伯

帝曰德潛予受汝德麟趾振振咨汝輔翼

詔許歸田青門餞席黃山赤城扶藜登陟公教於吳士脩允迪繼志繼

聲咸稟繩尺友善所資多聞諒直望以學崇慶惟善積惟

帝眷公騷壇者碩造化爲爐鑄顏作則用勸來許過者必式

資政大夫工部侍郎范公瓌神道碑

陸權

乾隆辛巳之歲恭逢
聖母皇太后七旬萬壽

上命文武廷臣及子告在籍年七十以上者各九人賜遊香山製九老
詩以寵之時則資政大夫工部侍郎松岩范公與焉蓋公自丙寅蒙
恩致仕至是以慶典來朝獲廁耆英之會朝論榮之越六年丙戌十二
月有司以公卒聞

諭祭如例以某年月日葬公於木瀆之阡公諱璨字電文一字約軒其
曰松岩者以

上賜松岩樂志額因為號也系出宋文正公長子監簿公純佑之後
十一傳至從源徙麻源九曲里是為公始遷之祖州同知能彥公之考
也國子監生必才公之祖也府學生允龍公之曾祖也祖考兩世皆贈
資政大夫河南布政使妣皆夫人公登康熙癸巳鄉薦雍正甲辰進士
改庶吉士以人才薦知大興縣擢知鄧州陞棊州安慶江甯等府分巡
盧鳳潁道河南直隸布政使巡撫湖北安徽入為都察院副都御史工
部侍郎在大興日部民阿青恣橫一日方理堂事突入攫人公曰鼠輩
敢爾縣令尚可為哉即關署扉捕之鞫其奸狀境內肅然縣故有隱糧

傳三十二

一案公白京兆發之藩司不悅方以他事去公在廷有白公冤者

特擢河南鄧州知州鄧旁邑巨盜張連膂力絕人吏不敢捕公召瞽目
退役以計擒而致之旁邑坐弛再脫公復以計擒副使盧鳳時境有飛
蝗公禱於神自率鄉農撲捕忽有蟲似蝗而黑雜處蝗中三日嚙蝗為
盡咸謂公誠感所致嘗自為捕盜捕蝗二記志其事其自楚移皖或挾
千金追送江干磨之不去公慮儻從為奸自坐鷄首諭之視其舟去遠
乃已所轄鳳廬泗滁連歲災祲公念新舊並徵民力必困分年帶完民
賴蘇息又以江表重地武備最急日坐箭道分番練習一時營伍皆嫻
於藝方是時皆以公敷歷有年行駁駁大用矣果入參臺憲晉佐司空
公感激遭逢益圖自效如弛富戶囤積之禁酌命盜處分之條核下江
收漕之制有見輒陳不敢緘隱旋以兩親尚在淺土特疏陳請遂得蒙
恩卜葬並許歸田自公解組之後惟以經書督課諸孫不問外事中間

諸

闕祝嘏者再恭迓

鑾輅者三

天章宸翰藤杖如意文綺佩囊之賜稠疊里門不可勝紀居平益以盛

滿爲戒潔清之操晚節彌勵荼羹蔬食不異貧寒蓋仕宦京外者二十餘年退養林泉者亦二十餘年公既貴顯讓宅於從父兄弟而自卜居於吳興之南潯其卒之年距生於康熙庚申享年八十有七配孫夫人子二人儀薰國子監生葵貢生皆先公卒孫三人墀城塏皆國子監生女二人孫女二人皆適士族曾孫男女十四人子於公爲鄉後學墀又姻也以公隧道之文來請因敘其世次歷官行誼而系以銘銘曰范由宋啟族爲吳望監簿子孫麻源再創公繼厥聲於宗有亢進樹勳猷退懷廉讓始礮詞鋒旋剝利器屈服市魁齟齬大吏治不爲武盜以瞽致歲不能災盡以類噬建牙楚幕弭節皖城臣心如水却餽過行誰迫饑餒公寬其征誰弛什伍公練其兵旣長諫垣洵司邦土剔弊釐奸卽事條舉業著鼎鍾榮辭簪組溝溪之濱來歸啟宇普天同歡

聖母萬壽公再趨朝龐眉皓首

帝詔考成陟遊巖阜追媿唐賢得公而九自還初服三逆鑾輿便蕃寵錫照耀衡閭公戒驕溢益慎德隅閉門卻埽樂此桑榆湖公名德累世相承衣冠蕃衍迨公後興園以義高山以賜稱幽堂對啟銘示昆仍

碑傳三十一 袁枚

原任禮部侍郎齊公召南墓誌銘 袁枚
乾隆元年秋余與齊公次風同試博學鴻詞於保和殿一時士論僉以

實學推公及榜發

欽取十五人公果與選余雖報罷而公念同徵之誼最殷後三年余亦

入翰林作後進常與公唱和外出爲令始與公別別四十七年余老矣

遊天台山公死已久且葬其兄周南弟世南年八十餘龐眉扶杖延予

飲其家抱公詩文集百卷出曰先生視此以志其墓嗚呼當時薦此科

者海內凡二百餘人而今則在野在朝屈指無有也公之遭逢寵遇升

沈禍福非子後死其誰知之而誰表之謹按公名召南字次風又號息

園幼而穎敏讀書十行俱下年十六受知於督學何公世璠充博士弟

子貢入京師中已酉副車雍正十一年督臣程公元章以鴻博薦授翰

林院庶吉士改檢討

御試高等超遷至侍講學士加日講起居注官充戊辰會試同考官

上書房行走再遷內閣學士禮部右侍郎公清癯短身而憑鄉朴之氣

溢於眉宇獨能宏搜博覽記性過人
上於甯古塔得古鏡未詳款式問朝臣莫有對者公引證書史羅縷具

奏

上大悅顧左右曰是不愧博學鴻詞矣

國家疆域恢宏崑喇巴哈俱置候尉又新開伊犁諸巨奉使者輒先詣

齊侍郎家問路公與一冊某喉某驛應宿何所需若干糧數萬里外

若掌上螺紋毫忽無訛或問曾出塞乎曰未也然則何由知之曰不過

漢書地理志熟耳問之讀漢書者卒亦不解沈尚書德潛常在

上前警天台石梁之奇

上問公公曰荒土磽确不足以勞

聖駕人笑其奏對率易而

上以此益重之十四年四月從

上書房歸澄懷園日映馬驚觸大石上腦涿涿流昏惜不起

上大驚命蒙古醫速治醫劄生牛腹臥公其中又取牛腦乘熱納公額

左右搖公始蘇當是時

上方嚮用公遣皇子及中使問病者不絕於道又數月公病少痊步猶

蹒跚頗忘所記書不能握筆又心念老母乞回籍終養

上慰留再四然後許之還浙後掌教鼓山萬松兩書院

上三次南巡公力疾迎

駕皆

召見賞賜優渥先是公有族匪周華者素不良公訓誨不悛遁海外三

十餘年忽因浙撫熊學鵬巡城遮道獻所著逆書揭公十大罪熊奏聞

上誅周華赦公削職歸里公身受

上特達之知方恨無涓埃報而怪民妖言乃出自近族悔平時教救無

素又隱忍不先舉發以致惡彰於天自分雖九死罪固當而

上復屈法活之恩愈重愧憤愈深結轡不已路上疾暴卒還家而月竟

以不起年六十六嘗言鄴道元水經註開於西北闕於東南特撰水道

提綱三十卷又歷代帝王表十三卷後漢公卿表一卷所修官書則一

統志明史綱目續文獻通考禮記漢書考證皆所纂也曾祖之仲祖仁

龍父嘉俱以公貴贈如公官妻張氏封二品夫人子式遷國學生女二

人葬台州花坑之原銘曰

天台之山其高萬有八千以是鍾靈生公其間學識其大才擅其全以

人視山幾與齊肩雖臬鏡嚙其後惡馬蹶於前而終以受知於

天無損其賢嗚呼非我來遊誰表此阡嗣後川湜湜峰綿綿磅礴鬱積

繼公而生者其在何年

又禮部侍郎天台齊公墓表

秦識

乾隆元年丙辰

天子召試制科之士與是選者多一時名流宿學而天台齊公尤以博洽稱既入翰林屢試高等累遷至禮部右侍郎未幾以病乞養歸歸十餘年而宗人齊周華之禍作牽連頌繫京師蒙

恩放還還甫而卒年六十有六公諱召南字次風號息園世爲天台人明正統中有以兵部郎中殉土木之難諡忠節諱汪者公之七世

祖也曾祖諱之仲祖諱仁龍父諱藉皆以公貴贈如公官公生而器宇

凝重甫就外傳屹然如成人少穎敏讀書十行俱下既補博士弟子員

學使者皆以奇士目之雍正癸卯由選拔貢生中式本省鄉試副榜以

博學鴻詞薦者閩浙總督程公元章浙江學政帥公念祖也公以

召試二等改翰林院庶吉士散館授檢討時

天子方右文稽古凡館中纂修之役如

大清一統志明史綱目

武英殿校勘經史諸總裁悉以委公蓋公平時於學無不博自天文律

歷以至山川疆域險阻要隘瞭若指掌而又深知古今治亂得失通習

掌故於經則通漢唐以來諸家之郵於史則兼涑水紫陽之義法其經

進之書皆蒙

上嘉賞而瀛則嘗讀公輪進劄子以爲尤似真西山大學衍義文字非

尋章摘句之士所能及公萬一也公之爲翰林也充日講起居注官在

上書房行走既由檢討遷中允侍讀又遷侍讀學士擢內閣學士兼禮

部侍郎旋授禮部右侍郎以一諸生不數年驟躋卿貳人皆謂公特以

文詞被

知遇顧公問學淹貫世盡知之至其立朝耿介抗直有不媿古大臣者

雖同列或不盡知且公位望雖顯總不出文學侍從之列又遽乞歸未

盡其用此又天下所共惜者矣公以乾隆十四年正月自

上書房歸澄懷園墮馬觸石幾殆
上遣蒙古醫療治少瘳是冬遂以母張太夫人年老陳情解職歸後
累主戴山書院敷文書院講席造士甚眾齊周華者公族兄也獻其所
著書於巡撫多不法詞涉公公以是下刑部獄
上鑒公無他僅削職蓋非

上不能知公而非公之樸誠不能蒙

上始終保全如此也公卒以乾隆三十三年五月二十三日子式遷葬
公天台花坑之原仁和杭堇浦先生世駿銘其墓闕二十有七年瀛官
於浙以事過天台宿公舊第於是式遷年六十七矣以瀛少時嘗以詩
文見賞於公有知己之感屬為文表公墓瀛不敢以不文辭公所著有
水道提綱三十卷已刊行又歷代帝王表十三卷後漢公卿表一卷實
綸堂文集若干卷詩若干卷藏於家公具異稟目炯炯能矚一二十里
許嘗登杭州之鳳凰山視隔江西興渡人歷歷可辨又嘗於山頂指雲
所起處掘地得奇石皆似古篆縮名曰天然圖章為文銘之公故精術
數之學方被逮之前一年筮易逆知後事以語其子既而皆驗公娶張
氏封夫人式遷國學生孫一

謹案原編有駁請祀啟聖王元配施氏議一首已見經世文編今

不錄

誥授資政大夫禮部左侍郎程公巖墓誌銘 袁日修

吾鄉鉛山在明則費相國以文譽清節領袖一時歸然稱人望焉至我

朝則少宗伯海蒼程公實為繼起公名巖字巨山海蒼其別號也生有

異徵自成童時即知名當世甫弱冠中丙辰副榜戊午登賢書己未成

進士先是每科會試榜發大臣舉堪入翰林者是歲

上罷保舉法引見時

御試一等授檢討丁卯典試陝西次年充日講起居注官旋督學廣東

凡奉使瀕行例請

訓公所奏對悉當甫出都途次擢翰林院侍讀廣東舊為兩學政一為

肇高一為廣韶公所隸肇高五府一州也顧試期頗寬閒而一省分兩

學政政教岐出三載報滿公奏請併一為便適調任廣韶未幾即以公

為廣東全省學政超授順天府尹仍留學政任嶺南人士咸慶得師有

前惠後程之謠惠即江南紅豆先生也任滿赴京兆視事有異政境無

蝗災永定河漫口溢公聞報即單騎馳至武清時河官下埽輒隨水去
計無所出公急令砍柳枝代之遂挂淤決口旋塞其鄰境非順天所屬
制府未即至公輒為之相度緩急視河流所趨為預防計隄完得無旁
溢公奔走於河干者兩旬有餘日纔一食夜則露處隄上自是得寒嗽
疾久弗愈嗣丁內艱服闋補光祿卿晉太常授內閣學士兼禮部侍郎

是歲庚辰

殿試充讀卷官秋大獮隨

幸木蘭辛巳以

慈慶推恩封贈三世如其官曾祖母以下皆夫人壬午

上南巡隨駕卽

行在授吏部右侍郎次年癸未

命視學直隸凡所條教一如粵東時旣報滿轉禮部左侍郎卽充丙戌

會試知貢舉旣畢事公病嗽益劇以封翁年近八旬陳請終養次年春

買舟南下都門祖道卿士大夫咸在無不歎且羨者進退以禮始終不

逾近世九列所未有也此乾隆丁亥年事至戊子仍以舊恙復發七月

十八日卒於里第距生於康熙五十三年甲午歲五月初十日得年五

十有五嗚呼公在閩部卿寺中以清節著其任京尹也又甚耐繁劇如

老吏人以爲莫測至其三視學政收得人效文教以興則公之緒餘及

之也余識公於諸生時及己未爲同年入翰林爲同直官侍郎爲同列

公配潘夫人同邑望族以賢淑著先公庚辰年二月二十七日歿於京

師官舍距生於康熙甲午年十一月二十五日得年四十七生子一琳

己卯舉人分發福建試用知縣次珽次琢側室嚴氏生尙幼嗚呼聞公

捐館時雷電晦冥風雨大作稍定公啟目眎謂左右曰吾將去矣所憾

者君恩未報事親之事未畢耳無一語及他事此非神明素定生有自來

安能若是耶銘曰

山川清淑鍾爲偉人維費文憲舊有令聞公實代起照耀冠紳出作師

表入爲名臣用光前緒垂裕後昆青山峩峩泉流沄沄墓門一闕千秋

萬春斯文不朽典型具存

資政大夫吏部左侍郎何公逢禧行狀 孟超然

乾隆三十有四年己丑冬十二月八日吏部左侍郎何公卒於位先是

秋七月超然得公書云入春來患脾溼飲食大減心竊憂之十月自重

慶遣人入都奏事令問公起居以十二月朔日至公疾已亟手不能執

筆於臥榻前口授其子西秦作書復余其略曰某入冬病益甚蒙

主上恩賜醫診視已累月此故事所施於老臣碩輔者而某以新進之

臣螻蟻之軀

主上軫念至此感激何可言然死生大事久已付之度外矣萬一微天之幸得一旦霍然起與足下重作舊日歡何樂如之然某自得病後亦為足下在遠旦夕無可與語者滋鬱鬱非虛語也僕人奏事返至達州余發書涕下至順慶夜接都下書一巨束則公訃至矣蓋去余僕出都門方四日也嗚呼傷哉余既為位哭念疇昔公愛余最篤公之志事余知之最深故敢忘其文之陋備述梗概詞以實而不誣亦公志也公諱逢禧字敬儒號念脩先世籍福清至公祖始遷會城之南臺公父蓼言先生為名諸生湛深經術遊其門者率有聲場屋而先生卒不遇晚乃貢成均時公已官農曹矣蓼言先生律已嚴而見道篤嘗慷慨言曰作文以庸妄啖虛名入世以機械誇捷足科名入手而懷抱不足以副之官職加身而德能不足以舉之有一於此謂之不祥矢天誓日不願子孫有此君子以為篤論公少而穎異過目成誦以博覽為基以心解神會為主十齡誦五經如瓶瀉水年十四遊於庠寸晷七篇學使者奇之甲子又以五經舉於鄉時年甫踰冠也再試春官不第戊辰安溪官石谿先生視學關中聘以為助三年公遊益壯學益富覽周秦漢唐故都歷諸邊塞旁搜金石古文辭發為詩歌著西行小草數卷而校文明敏

碑傳三十二

九

學使者倚之如左右手辛未成進士授戶部主事與翰林葉公觀國同里同年儻舍同居治事之暇以文章相切劘而公入曹司未久旬稽錢穀如素熟習者侍郎吉公慶奉

命按獄畿輔奏公與俱行無錫稻公時亦領戶部謂吉公曰何公柱石姿也吾閩農曹中無有及何君者後君官九列猶以為知己之感云公以才當不次遷遭蓼言先生憂還里服除奉太夫人就養京師補戶部廣東司主事已卯秋分校京闈得士最盛時總裁為錢塘梁文莊公素矜慎少許可諸分校所薦卷多駁放者遇公薦卷則欣然語副總裁都御史觀公曰何公無私能盡心且其器局駿偉名位當大起矣庚辰京察一等引見加級

上以知府膺表率任宜慎重其選不拘資格詔九卿及翰林之長舉所知公以主事特奏記名四月除員外郎時余甫成進士遂與公定交公任員外將二年故事吏部選郎缺擇人視他曹尤慎吏部不得人則調於他曹郎中大學士傳忠勇公時筮吏戶二部奏以公由員外授選郎前此所未有也公以壬午四月視事旋轉御史奉

旨仍典選事尋攝工科給事中而余亦以是年冬入選曹見公按百官

之籍董流品平注擢同官和愷胥吏無所緣爲奸聲望益隆隆焉起矣
有同知某援例欲躡遷郡守曉曉投牒頗有爲之地者公慨然曰人旣
非才事又違例此僥倖何可長奏記斥之又某於同知任內曾爲上官
薦尋以事移疾歸逾數年謁選欲選曹以保舉例引見公曰病痊起廢
考功職也彼欲選曹啟事覬得郡耳卒不可選曹循故事固不肯自貶
損時臨桂陳文恭公初自湖撫遷吏部尚書猶與公未深知也癸未八
月刑部員外郎缺已入選而刑部咨留公以故事每月截缺後無留者
持不可或傳銓司有所左右其間時

上方巡幸木蘭刑部尚書舒公封章入告

上命陳舒二公訊實以聞久之不見左驗然二公疑猶未釋於是與郎
中瑚公世秦章公寶傳皆奏請解任謝成事頗白然猶請下吏議方事
急時公謂余曰君不過奪奉吾以言官典選中蜚語恐有意外禍侍
主上聖明或蒙恩洞察小臣守法無他否則貽老母憂矣九月九日驛
報返奉

旨以事旣無據皆復官且免置議公手捧

恩綸感且泣謂非

類傳三十二

十一

上聖明則得罪誰爲白者吾今當奉職死官下矣臨桂與舒公久之亦
知公坦白公後爲吏刑二部侍郎二公與同事皆投契不以前事少芥
蒂也公旣被劾得白

上益知公才是年冬遂有江西鹽驛道之命抵任甫旬日擢湖南按察
使具劄謝

恩且請入覲奉

硃批不必來汝何事不可辦但戒汝者莫生滿足之念莫尙氣可耳公
捧

諭叩頭感泣蓋自是愈知

聖主將大用之而所以生成教養之恩眞千載一時也楚俗刁悍刑名
案牘繁多尤多告許事公始蒞以嚴旋濟以寬吏民皆感服未幾而有
新甯罷市之事攝實慶守王錫蕃報至公卽請親往視之曰吾親往則
案可速結而撫軍喬公以公兼藩臬二司事持不可檄解省審理飛章
入告

朝命大臣往勘之而王錫蕃懼罪遽自經死於是公以職任陳臬不能
先事豫防具奏請罪已下部議矣而是時掌選章公寶傳又以他事左

遷傳文忠公將擇人以代

上特諭仍以公補選郎公聞

命馳入都視事主余邸舍者三閱月每雞初號其披衣起趨朝啟事退

則集賓友為歡敘契闊日與余以詩文相倡和每慨然言曰吾再蹶再

起俱出意料外

主上不以臣不才將用之吾何以報稱視吾力所能盡者勉自策而已

是年四月余奉使粵西十月還過武昌則聞公於九月拜刑部右侍郎

命公由主事六年游歷九卿僚案不驚惟仰頌

聖天子知人善任使蓋公素所蓄積足以肩重任其見信於物望者然

也口月調吏部右侍郎公再入中臺晉貳銓事熟習掌故昔時同事有

彈冠之慶而公每倦倦以慎名器杜僥倖相勸勉時大學士武進劉公

尚書託公皆虛公為懷凡循舊章間有損益者知公在選曹久必與公

商推而後行聯名啟事選人悅服故公在吏部章疏不必已出而裨益

孔多戊子秋九月余奉

恩命視學四川公黯然為別且曰子去吾益孤矣余聞之愴然嗚呼公

方為

天子卿貳余蹇拙何能裨補萬一而公顧獨倦倦者蓋數載以來每以

公退之陳述先世艱辛隱約謂兩家實相似備

朝廷任使務洗手奉職不得為自私自利以辱其先問及文事公於同

里中獨以不肖為可與道古忘分投契歲久不渝公曾為余大父母表

墓諱于申之而手簪蓼言先生家訓亦特命余為之序且有他日里社

雞豚南邨卜鄰之約嗚呼孰謂別公僅一年而前言成識公竟忽然去

哉公自以受

主恩深重非尋常供職守足以報塞故每察公為郎日勤勞之暇頗自

娛樂泊登大僚則時時憂形於色懼不得稱職此其心豈纖取名位為

一身顯榮計哉公之心固惟余知之此彌留之頃相隔六千里外猶許

為知我者也公事母太夫人能得其歡心余始在京邸見公製一裘一

葛留一賓客飲食必稟命而行每趨入朝必在寢門外伺太夫人動靜

問夜來安否太夫人時有鄉土之思則多方以娛老人心稟蓼言先生

遺訓所夕不忘每誦先正葉文忠之言曰吾先世為農夫本無心貴顯

今貴顯矣而自問生平不及祖父遠甚嗚呼此足以徵公之心矣公才

碑傳三十二

十一

敏練本性成遇事輒一語剖斷是非嘗言諸葛武侯才須學也一語爲千古不磨之論又以人之有才如刀劍之有鋒鋸不用則鈍置但貴審所以用之而已其論古文也不苟同亦不立異每謂法古人者法其間架非謂摹擬剽竊於字句之間強記過人每所經眼名章警句終身不忘詩則多師爲師不拘一格氣體沈厚而出之蘊藉力闢嚴滄浪詩不關學之說尤喜中晚人絕句酒酣耳熱輒喜吟諷每謂余曰流連景物抒寫性情昔人擅場之作間一諷誦先得我心不能出古人範圍不作可也公性無他嗜退食之暇手一編自娛見仕而廢學者輒喟然太息固以兵刑錢穀自具精微學問文章皆資揮霍特不喜迂闊者高談心性而於清厚質直之士又未嘗不爲心傾與人交似泛愛而黑白井然亦不能作翁翁態顧余淺甚非意所好輒見於色辭君愛余至而憂其褊衷每出苦語相勸誠余近頗自警令公往矣孰爲箴余過者耶公元配齊氏造口氏子一人西秦有雋才戊戌進士翰林院編修公生於雍正甲辰正月二十二日年四十有六嗚呼公受

鳳皇芝草皆爲

碑傳三十二

十一

國家慶得人而一嬰心疾累月沈綿和緩無功

聖慈軫念公亦遂含酸茹痛自念臣年方壯不能報君父莫大之恩其貽余書所謂死生大事付之度外者固自擺脫揆其志未有不齎恨於九京者也余得公子西秦書灑涕巴東未得公行狀就平日所知者爲記其大凡異日以授西秦或有家狀所不及詳者則余文庶可備記傳之採擇焉謹狀

碑傳集卷三十三目錄

乾隆朝部院大臣中之中

副都御史傅公為誌墓表 蔡新

資政大夫內閣學士加禮部尚書鄉公一桂行狀 彭咸豐


資政大夫刑部左侍郎贈尚書錢文敏公維城神道碑銘 王昶

諡授光祿大夫太子少傅經筵講官南書房供奉工部尚書兼管順天

府尹事諡文達裴公曰修墓誌銘 于敏中

父光祿大夫工部尚書太子少傅裴文達公墓誌銘 戴震

碑傳三十三目



又次源大夫工部尚書太子少傅蔡文敏公墓誌銘

資政大夫內閣學士加禮部尚書鄉公一桂行狀

資政大夫刑部左侍郎贈尚書錢文敏公維城神道碑銘

諡授光祿大夫太子少傅經筵講官南書房供奉工部尚書兼管順天

府尹事諡文達裴公曰修墓誌銘

父光祿大夫工部尚書太子少傅裴文達公墓誌銘

乾隆朝部院大臣中之

副都御史傅公為訖墓表

蔡新

乾隆三十五年四月副都御史巖溪傅公有疾在告越月薨于第時公長子俊還滇次子崑以予之素稔公也齋狀請表其墓憶壬戌癸亥間公居開京師余時在館職於公為後進公顧與余為忘年交偕同志雷翠庭鉉劉蘭谷芳藹李韋園清芳黃靜山永年陳體齋仁鍾勵暇晚六七月月訂數會會必課所學考鏡得失旁及古今治亂人才盛衰學術事功之邪正文章之真偽咸各舉所見辯難究詰衷于一是而公尤慷慨自負每及古人忠孝大節直言讜論必掀髯奮袂畢然有尚友千古之志以故公生平行已立朝居言路往往不負所學亦其天性然也公諱為訖字嘉言號謹齋別號巖溪滇之建水人雍正丙午舉人癸丑成進士乾隆戊午由翰林院檢討授貴州道監察御史尋擢奉天府丞未幾以奏請廣奉天學額鑄級歸辛巳再起補光祿寺少卿踰年遷鴻臚寺卿丁亥陞大理寺少卿宗人府府丞都察院左副都御史人咸以晚

碑傳三十三

遇為公榮謂公將大用得其志惜乎公竟迫暮而遽嬰疾痰以終也

卒時年七十公之為御史也首以請補明季殉難御史趙謨贈謚事下禮部議覆準行賜謚忠愍謨公鄉人也官京師以罵賊死先是公與同輩計偕至京拜趙墓于城西偏仰天歎曰公義烈如此而賜謚弗及邱壟沒荒榛吾異日得為言官當沐浴浴手陳此疏至是果如其言其年五

詔求直言公益感激激思奮直陳萬餘言其大要在去奸民端風化清獄訟祛尤蠹申法禁皆關國家大計併請令在廷諸臣如翰林曹司皆得矢謨入告言雖未盡用論者以為有古名臣風烈云在奉天攝學政奏立書院請旌王瓚孝子皆有闢風教在鴻臚奏請復謝恩官慎選學習序班一等稱便最後居憲副佐持風紀慨然以整肅臺綱為己任謂御史為

史為

朝廷耳目不宜兼曹郎有乖體制疏請停罷以符名實得

旨允行著為例而所倦倦不忘者尤以言路為重披瀝瀆陳亦其忠愛之心有迫而然不自知其過計也昔朱子有言一日居乎其位則一日業乎其官若公者可以無愧矣初公閒居時名重公卿會

詔大臣舉賢自代副都御史梅公穀成通政司雷公鉉竝以公名上時舉代者多不次用而公以母太夫人年高乞養歸購書萬卷自隨以雲南僻遠少書籍也平生慕湯文正公由監司解官家居夏峯孫徵君講學蘇門十載卓然爲

當代名臣思效其爲人故自奉天言事左遷需次京師八年暨終養又十三年仕途顯晦升沈家計盈絀不擾于心惟讀書不輟如儒生人之見之者不知其爲京朝官也性直諒貌如其心與人交藹然可親然有不可則義形于色雖顯貴人不少挫余自丙寅冬督學中州別于都門中間離索二十餘年南北殊途出處異致迄丁亥始再晤京邸回憶舊遊落落如晨星相與感歎欷歔愴然涕下然竊幸公碩果得與雖蒼髯皓鬢猶時時賦詩飲酒彈棋論古不減壯年豪致因得以昕夕道故問難如曩時而不謂公之遽至于斯也是可悲已按公先世居江西高安縣之菱湖曾祖時鸚始遷滇之建水時鸚二子長大年歸原籍次大美公祖也實始隸滇生五子公考琳與其季璉俱登鄉舉丁巳覃恩祖考皆贈中憲大夫如公階祖妣吳妣李皆贈恭人配淑人劉氏子二長峻增廣生次焜太學生孫三人公之歸省太夫人也取道西江拜高安

碑傳三十一

祖祠偕族姓言歡敘長幼講孝弟里黨觀者咸太息稱盛事及歸攜其友派世系纂修族譜旣成郵而合之公之敦篤本支又如此所著有明儒四家纂斯文易簡錄讀漢書論等集藏于家尤富於詩哀然成帙未梓也他懿行見于志狀不悉書爲表其大者使歸而勒諸阡

資政大夫內閣學士加禮部尚書鄒公一桂行狀

彭放豐

曾祖兌金明崇禎三年舉人贈資政大夫
祖忠倚順治九年一甲一名進士官修撰贈資政大夫

父卿森國學生從祀鄉賢贈資政大夫

公姓鄒諱一桂字原褒常州無錫人系出宋道鄉公弟河後十五傳龍光與弟鳳光迪光有大名世稱鄒氏三光公其六世孫也太公生子多以痘殤晚得一女奇愛之生公而女夭以爲不祥由是失愛育之爨下太夫人私乳之及長聰穎過人太公又驚喜過望爲授書遂鍾愛焉雍正五年登進士二甲第一入翰林官編修十年主廣西鄉試尋改授御史巡視中城公嚴剔利弊一時豪強窮息十三年奉命督貴州學政疏奏科場之弊七年轉禮科給事中上命許容巡撫湖北公上疏曰許容誣奏謝濟世奉

旨革職總督藩臬以下承審官咸被罷斥不特湖南一省得見天日而天下臣民罔弗額手加慶此彰瘝之公吏治所由以知戒者也昨賣上諭仍命許容巡撫湖北中外聞之無不驚駭許容狗庇縣令反將參揭之道員捏款誣奏狡詐欺公于是爲甚荷蒙

聖恩僅予革職已邀寬典今復任以封疆何以訓示天下乞降諭旨宣示臣民俾曉然于黜陟之所以然斯國法昭而吏治有所率循矣疏人

上遂寢其事十一年八月

賜宴瀛臺時公位未顯例不得列

特命公與沈公德潛與馮冬轉大理寺少卿多所平反脫死辜二人由大理寺轉僉都御史再遷大理寺卿上疏論律載獄具全圖鐵索扭鐐俱有定式乃司獄者輒以貪婪未遂任用非刑慘毒呼號不忍聞見夫囚有應得之刑國家有常用之法法不當其辜猶不可以爲法矧令其死非法之刑哉

上特下其奏于各省按察使有政違者議其辜十四年

詔舉經學以同邑顧棟高薦一時被薦者百有餘人廷論得四人以進

公所薦與焉遷內閣學士兼禮部侍郎以

皇太后聖壽誥授資政大夫十七年主禮部試尋以事鐫級二十二年

復遷內閣學士兼禮部侍郎明年以年老告歸

上以詩寵其行歸後三年詣闕恭祝

皇太后聖壽

賜公杖命致仕諸臣年最老者爲九老會公與焉又十年以祝

聖母八十壽加尙書歲給俸錢再與九老會公年既篤老其歸也以三

十七年三月二十七日薨于東昌道中年八十有七公歷官數十年挺

挺直節著于朝廷及居家屏跡不入官府時杖策尋佳山水與繙流羽

士賦詩飲酒爲方外交工繪事得文待詔遺法其在御史時大官有索

畫者促之急公曰吾不能受人役卒不應然公畫流傳頗多亦未嘗故

自矜重也配惲氏封夫人子一人志伊乾隆九年舉人早卒孫二人長

國學生琦次驥公之喪旣歸琦奉公年譜請編錄行事獻之太史爲撰

次如右謹狀

資政大夫刑部左侍郎贈尙書錢文敏公維城神道碑銘 王昶
乾隆壬辰冬刑部侍郎武進錢公以居憂卒於里第

上聞軫悼諭祭葬特贈尙書賜諡文敏且有學問素裕勤勞夙昔之褒
又二年賜其孤中銑爲內閣中書舍人蓋公以第一人魁天下直
內廷二十餘載任秋官最久數決大獄讞事貴州適遭苗香要之亂
不震不擾出奇決策月餘戴事

上益知公才器可大受而未竟其用以卒是以
恩禮稠疊不替益隆如此公字宗盤諱維城一字稼軒自幼敏悟讀書
日千餘言十歲能詩十二三能騷賦古文戊午年十九舉順天鄉試壬
戌試爲內閣中書舍人乙丑成進士殿試一甲第一名授修撰戊辰夏

五月

召試璿璣玉衡賦五月鳴蜩詩稱

旨尋擢右春坊右中允日講起居注官

命直南書房懋勤殿旋擢翰林院侍讀學士癸酉擢內閣學士兼禮部
侍郎甲戌充會試副考官丁丑擢工部侍郎辛巳調刑部尋轉左侍郎

公初以文學侍從受

主知及官秋官精研律意體察情狀往往從糾結疑互處反覆別白不
惜數千百言析而出之同官老於刑名者弗能難也如登時殺死姦夫

碑傳三十三

及格殺拒捕罪人暨臨時殺死竊劫盜律得勿論而其移埋棄屍者有

司反舉殘毀人屍及棄水中律坐以杖流本小未大失輕重倫又親屬

殺姦罪視本夫加一等蓋指罪人未嘗拒捕格鬪而言若有拒格皆當

以拒捕論乃各省或引鬪殺或直以謀故分擬使殺拒捕反重於拒捕

者援引非是請將親屬殺姦非登時者用罪人不拒捕而擅殺律其拒

捕者用罪人拒捕格殺律條以入奏得

旨允行壬午充江西鄉試正考官是冬奉

命視學浙江端士習清訟源飭諸生以半年習一經而責其成於校官

矯揉刮摩士習蒸變已又以陳大綬理學名臣而紹興志誣以貪酷毛

一鷺名麗逆案而遂安志侈其治蹟移書巡撫悉釐正之己丑貴州知

州劉標以銅廠缺虧聞

上命公偕湖廣總督吳公達善內閣學士富公察善往訊計虧帑二十

九萬三千餘兩並得大吏苞苴狀奏論如律獄甫定而古州香要事起

香要古堆寨苗人力扼虎詔有邪術鎗礮弗能傷爲諸苗所憚又有老
勇老九及黨根寨女苗迫根羽翼之二十一寨爲所誘將襲下江同知
龔學海遣人偵其狀香要殺之學海告變公偕吳公及巡撫宮公兆麟

徽黔省各營會勦又以古州壤接湖南廣西移知各督撫分兵守隘口而自以五月十八日馳赴古州二十日署總兵程國相破烏牛香要退據佳居寨二十二日公至下江營督國相攻佳居破之擒迫根五月二日公渡都江次日抵加溜自烏牛至佳居八十里烏道旋繞峻狹纒客一騎加溜尤險絕爲佳居諸寨苗來往必經遂飭副將來永增守其地且策之曰賊苗脅從者眾急則并力阻險勢不能以旦夕平宜多懸木榜諭以

天朝止誅首亂餘無所問其黨必疑且散吳公等從之苗聞日持牛酒詣軍門公悉慰諭遣去眾心大定明日督兵入朋論大箐獲香要妻妾子女及老勇老九香要獨身跳去山深箐密計不可猝獲乃令撤兵旋古州以懈其志而密使人偕生番老雄等伺香要所至六月八日擒之烏招與其黨皆磔死事平

上下部優敘既還朝奏苗境多稻田產米利官採買丹江兵米若用實運則苗失賣米之利官多輸輓之苦且黔咫尺皆山運一石價與買等是以一易二也宜改折請自平越始

上從之辛卯雲南龍陵有逃卒四十人就獲巡撫謂伊稔例逃者枷一

碑傳二十三

五

月今龍陵邊地宜請正法公謂用法過重恐後遂爲例會

召見因言罹法者眾情可憫且戮於獲所邊兵何由知不如械至龍陵倍其罰枷三月足以示儆

上亦從之傳旨馳赦益

上知公持法平生殺悉當於理故所言施行者多公和平坦白不立崖岸不設城府獎勵寒素有一長必爲拂拭推引士以此歸之爲詩仿李太白爲文疎通明暢絕去彫飾有茶山詩文集二十八卷書法蘇文忠公書出入於元黃子久王叔明諸家奉

敕進御之作

上親爲題詠者多至數十卷軸蓋世得其書畫如圭璧然性篤孝先時視學浙中迎父蕭山公于使署雖便溺必親視之及壬辰奔喪歸里不及含殮時時擗踊哀慟夙有消疾因以增劇至十月而卒時年五十有三公家世仕宦會祖某祖某官福建惠安縣知縣父人麟以舉人應官蕭山縣知縣皆因公貴贈資政大夫刑部侍郎配金氏子二長中銑內閣中書舍人次中珏候補中書科中書女一適陝西乾州知州崔龍見是歲十一月大葬公於懷南鄉白蕩之新阡某以甲戌會試出公門下

承中銑請援据狀志庸作斯銘曰

惟古救法世重世輕固或干正在允而明蠻夷猾夏師乃震驚亦惟司寇克詰戎兵後乃岐之匪古所程公之降世舍譽景星公之述作韶護咸經公之盛德騶虞祥鳴志廉而節器高以闕解巾入仕

天衢始亨暨登卿貳明良載賡從容翬禁爲時典型計公所歷以兵繼刑議獄緩死討叛徂征深叢絕嶂颺掃霆功不數旬翦其鯢鯨歸告咸命羅施永寧

天子曰俞予氓汝生錫之優敘庸昭汝能何期奄忽騎箕以行諡在冊府文在

賜瑩懷南之阡雲輝日瑩過而式者眡此貞銘

誥授光祿大夫太子少傅經筵講官南書房供奉工部尚書兼管順天府尹事諡文達表公曰修墓誌銘于敏中

司空之職掌邦土居四民時地利使修利隄防通達溝瀆別五土之性而物其所生之宜荷責綦重

朝廷命官必深知其蘊蓄又愿試有功然後俾以宅揆熙載之任表公歎歷六曹經畫咸裕尤善於治水

碑傳三十三

六

上重公材器數任之公竭知慮告厥成功最後晉工部尚書而公竟薨於位

國朝河防經

列聖親臨指授廟謨方略繼承承承永垂底績然黃流自漚池孟津而下北岸無山夾束合伊洛沁汝演漾穿貫於中州積潦漲決之害與直隸北河淤溢之患亦所時有公兩使河南辛巳偕重臣往塞楊橋口二百餘丈訖卽往治直隸永定河浚蘆溝中泓疏金門求賢二壩水口築牛坨壩遷忙牛河行東南導葛魚北溜又築欄水埕淪鳳河淤兼治北運諸河築南倉橫隄以衛民居改疊道以洩西流凡堤之圯者皆復之

丁丑

上念河南水溢數郡專遣公往勘與巡撫胡公寶璩講求疏壘之法興工代賑凡五閱月告成開幹河四使達於淮曰賈魯河曰惠濟河曰渦河曰豐樂河其支河之界在開封陳州歸德汝寧四郡者凡六十有三或分入於惠濟北沙河或分入於惠濟渦溝淇溝滄河達於江南或入於大沙河或入於淇汝二河奠州縣沮洳者二十有八竝築汝陽遂平西平三邑之新舊河堤於是昏墊攸去災黎寧居暨諸血脈通筋絡固

而百病悉平矣他如疏山東伊家河及安徽所隸宋陽等河浚京都之大通河六千六百餘丈築兩閘減水石壩建長生隄壩及創隄各百有

五十丈莫不履勘咨詢探察輿論用能上副聖心宣布德意昔晉武帝命杜預建富平津河橋橋成帝曰非卿此橋

不立預曰非陛下聖明不成今日之功聖天子知人善任公殫力竭忠貞亦類是此外如往辦巴里坤事

上特賜御用冠服以寵其行查甘肅軍需開濰河疏江南水道再理直隸水利審福建事最後往查

盛京旗地皆馳驅執掌悉心區處克當聖心公年纔六十有二體貌清癯神采奕奕居位三十餘年以文學侍

值內廷綜理部務隨帶書局兼司撰著寅入酉歸尙與賓從賦詩弈碁談諧嫵媚至夜分弗倦宜享遐齡以符

帝眷乃積勞病鬲雖絕食飲歷三旬而神氣如常欸接不廢上日遣御醫診視存問疊至公請解職弗許賜詩示慰晉加宮銜俾舒

心攝養以冀速痊公感涕恭和二詩手書進謝而病卒不起

上爲軫悼易名節終之典哀榮備至朝野傷公逝者無貴賤遐邇萬嗟一涕公旌匾所泣汨溢州渚嗚呼非功惠及人能如是乎公諱曰修字

叔度號漫士世居新建雙港代有隱德曾祖宗海公邑庠生祖松亭公舉明經考思補公康熙丁丑進士由建德令行取官吏部歷戶刑兩科

給事中祀建德名宦祠妣熊氏郝氏生母王氏三代皆以公貴贈工部尙書及一品太夫人公爲諸生一舉優行一舉詞科乾隆元年舉京兆

試已未成進士由編修御試高等受

上知晉翰林侍讀學士充講官歷詹事陞內閣學士兼禮部侍郎一任吏部右侍郎再任吏部右侍郎三任戶部左侍郎一任工部左侍郎

兩任倉場侍郎三尹京歷禮刑工三部尙書中間以降官補中允侍講一入軍機三侍經筵丁卯典湖北試壬申已卯兩典江南試庚午癸酉

兩典浙試丙戌充會試總裁充會典館總裁四庫館總裁奉勅撰熱河志太學志西清古鑑秘殿珠林石渠寶笈錢錄等書加太子少傅諡文達生於康熙壬辰十月二十九日沒於乾隆癸巳五月朔日配熊氏一品夫人男子五人麟庚辰進士官編修師國子監生皆先公

卒行簡國子監生豫皆嫡出遵慶側室駱出女子五人孫元復音葆增壽孫女三人公性孝友仁惠十齡居父喪五旬外居郝太夫人王太夫人喪哀毀一致敬愛諸兄振拔寒賤周急拯難典質以應當官任事舉重若輕御繁以簡僚屬吏役皆畏公明而樂公寬門生故吏遍天下受恩郵者至歷久拜謝公輒不省笑遣之而已平居不言人過惟以人命最重果報不爽爲勸戒見失意者卽惻惻不安必曲折使得其在戶部最久而囊橐蕭然所入卽隨手施與嘗典衣度歲人不知也司寇時能體

上意無一人死法外公澤躬文雅宏獎提唱有前輩標韻道滁州攜歐陽公像句

上題得允所請凡扈從侍宴及慶典大禮舉行日賡揚紀頌之作詞林皆奉爲程式十年來西師奏凱回部蕩平外蕃絡繹效順

御製詩文紀誌甚夥

上以公文筆清眞雋雅輒命撰著篇成屢邀贊賞如某什某篇皆奉勅特作者公嘗仰體

睿製詩意繪土爾扈特欵塞圖以進嚴威之象恭順之情黼黻動猷潤

色鴻業類如此所著詩文奏疏若干卷公書做張卽之

上以內藏卽之書華嚴經殘本令公補書人莫能辨珥筆稽古之榮雖虞褚燕許奚讓焉其拜

恩賜如居第金幣尙方珍玩御書堂榜等不可勝紀太夫人春秋旣高錫類所加尤蒙

宸眷公感泣倍至方勘豫災時子麟卒太夫人書訓曰窮黎皆赤子勿以汝子殤墮公事公爲節慟聞者誦之公彌留時語左右曰吾爲燕子磯水官君輩江行所次苟酌卮酒弗敢辭有老嫗曰昔太夫人禱於磯

邊神祠始有身公之去來可知也子與公同官交契直內廷三十年間見最深公子行簡輩將擇某月日欽承諭葬公於某阡

屬子文納壙爰撫公本末而銘銘曰振翻泰階翰飛彩時參身洪流力障氣砥形折智營鬱塞昏徒艱重雜

投弗鑿弗詭行所無事若治斯水公歷六卿施設規此治金斲材灼華擷藹口颺眾馨心容章技萌苟弗舒如邇在己美哉豫樟

帝灌植之零露滌之飄風抑之穀乃粟兮果乃實兮清廟瑟兮和六律兮江河潤物公來有因水仙揚旗公返有神豐碑穹窿功泐貞珉大哉

皇言練達端醇

又光祿大夫工部尚書太子少傅裴文達公墓誌銘

戴震

公諱曰修字叔度姓裴氏世為新建人曾大父諱某縣學生大父諱某貢生父諱某康熙丁丑進士由建昌縣知縣行取吏部主事至刑科給事祀建德名宦祠皆以公官贈工部尚書曾大母朱氏大母郭氏母熊氏郝氏生母王氏皆一品大夫人公自少能文章雖操筆疾書而氣象容與往復得宋歐陽氏之度兄弟四人公為季性篤孝為諸生舉優行薦博學鴻詞中乾隆己未進士由編修遷侍讀學士充講官歷詹事

命南書房行走而余與公同直

內廷於今三十年公遷內閣學士兵部右侍郎吏部右侍郎入軍機處歷戶部左侍郎倉場侍郎順天府尹禮部刑部工部尚書三侍經筵中閣丁卯典湖北試壬申己卯兩典江南試庚午癸酉兩典浙江試丙戌充會試總裁公受

上特知一出塞至巴里坤又屢奉

命往河南山東江南經理河渠然在

碑傳三十三

九

內延日多與余旦夕商論事無鉅細公片言輒中竅要益余同官中習

處最久莫如公志同見公相知無間莫如公素樂易有大度自號漫士人亦易親之生平未嘗言人過見失意者即惻惻於懷必曲折代籌俾得其在戶部久而囊囊蕭然所得輒隨時施與嘗質衣物度歲人不知也其治繁劇明敏而達於事人所畏難投之公恆裕如以故

上器重公而公得展其能公之視巴里坤軍事也

賜御用冠服以寵其行前後拜

恩錫如居第金帛尙方珍玩御書堂榜等不可勝紀太夫人春秋高類

蒙

眷問公歸以

至尊垂問敬告往往感至泣下方公之銜

命往視河南水災公長子麟卒太夫人致書訓曰黎民皆赤子勿以哀

痛汝子障公事是時

上念河南水溢數郡遣公往治公灑水之達於淮者四枝流六十有三

所被州縣則開封府之中牟祥符陳留蘭陽儀封尉氏通許杞歸德府

之考城虞城甯陵商邱夏邑睢柘城鹿邑永城陳州府之扶溝太康西華淮寧沈邱項城汝甯府之西平上蔡遂平汝陽新蔡皆古汜澗獲遺

汝頽泛溢之區兼及江南境睢肥諸水民賴公規度永永寧居所治克

副 聖慮而直隸如永定大通白漕孰宜堤堰孰宜疏濬以達諸海

上指授方略悉以屬公公馳驅鞅掌不避酷暑盛寒遂積勞成疾嗚呼
公之才無不優為而河渠特其一事顧功施於民適以此事最著公治
某水有田夫如欲有言者突至前官屬呵退之公呼之進與語竟得地
勢高下之宜後久而不敗凡公之善納輿論類如此公年纔六十有二
體貌清癯神采奕奕以文學侍從之臣徧歷六部更兼司撰述充會典
館總裁奉

勅撰熱河志太學志西清古鑑秘殿珠林石渠寶笈錢錄等書最後充
四庫全書總裁公自著有諾皋集並詩文奏疏若干卷評江右後四家
制義以繼艾陳章羅四家在前者公澤躬爾雅喜誘獎後學道滁州得
歐陽公畫像乞

上題人亦謂公文行近歐陽公公書做張卽之

上以內藏卽之書華嚴經殘本令公補書人莫能辨方病鬲絕食飲三
旬而神氣如常款接不廢

神傳三十三

十

上日遣御醫診視存問疊至公請解職弗許賜詩示慰晉加太子少傅
俾舒心攝養以冀速痊公感泣恭和二詩手書進謝而病卒不起

上為軫悼飾終之典哀榮備至諡曰文達朝野聞公逝無貴賤皆流涕
公生於康熙壬辰十月二十九日歿于乾隆癸巳五月朔日配熊氏一
品夫人子五人長編修麟次國子監生師皆先公卒次國子監生行簡
次豫次遵慶女子子五人孫元復音葆增壽孫女三人行簡輩將以某
月日欽承諭葬於某阡來請余銘銘曰

湖漢十川鍾為彭蠡克生異人奮翮雲軌績有特隆適隨事起參身洪
流力障氣砥艱重雜投弗鑿弗詭行所無事如治斯水公慙六卿設施
視此治金斷材灼華擷藹口颺眾馨心容羣技萌苟匪舒如邊在已美
矣豫章

帝灌植之零露滌之飄風抑之曰未畢兮既可述兮清廟瑟兮和六律

兮豐碑穹窿功泐貞珉大哉

皇言練達端隨

謹案原編有治河論治河策上下治淮論四首已見經世文編今
不錄


碑傳集卷三十三

貴欽黃彭年編訂

碑傳三十三

碑傳集卷三十三

貴欽黃彭年編訂



碑傳集卷三十四目錄

乾隆朝部院大臣中之下

誥授光祿大夫內廷供奉經筵講官太子太傅刑部尚書晉贈太傅入

祀賢良祠諡文端錢公陳羣墓誌銘于敏中

又刑部尚書加贈太傅錢文端公神道碑袁枚

光祿大夫總督倉場戶部右侍郎彭公樹葵墓誌銘蔡新

光祿大夫工部尚書贈太子太保諡恭定閻公循琦墓誌銘趙佑

榮祿大夫吏部侍郎諡恭定吳公紹詩墓誌銘于文襄

碑傳三十四目



榮祿大夫吏部尚書諡恭定吳公紹詩墓誌銘于文襄

光祿大夫工部尚書贈太子太傅諡恭定閻公循琦墓誌銘

光祿大夫總督倉場戶部右侍郎彭公樹葵墓誌銘

又刑部尚書加贈太傅錢文端公神道碑袁枚

又刑部尚書文端公陳羣墓誌銘

誥授光祿大夫內廷供奉經筵講官太子太傅刑部尚書晉贈太傅入

祀賢良祠諡文端錢公陳羣墓誌銘

又刑部尚書加贈太傅錢文端公神道碑

光祿大夫總督倉場戶部右侍郎彭公樹葵墓誌銘

光祿大夫工部尚書贈太子太保諡恭定閻公循琦墓誌銘

榮祿大夫吏部侍郎諡恭定吳公紹詩墓誌銘

乾隆朝部院大臣中之下

誥授光祿大夫內廷供奉經筵講官太子太傅刑部尚書晉贈太傅入

祀賢良祠諡文端錢公陳羣墓誌銘于敏中

宮傳大司寇嘉興錢公以

三朝舊德荷

聖主殊眷頤養林泉海內識與不識以泰山北斗宗之歸然有魯靈光

之目乾隆甲午孟陬人日考終里第疏聞

上悼惜彌甚晉贈太傅入祀賢良祠賞藩庫銀千兩經紀其喪賜祭葬

如制予諡文端令翰林院立傳節終之典可謂備矣余為公年家子曩

自孝廉計偕來京師辱公獎許殊特親為評乙課業暇輒指授詩學津

梁不憚諱復示以奧窔通籍後復得追趨館閣垂二十年公顧余益厚

而余親炙公之言論風旨者益深問公之喪感憶平生知己悲從中來

莫能自己既為位以哭適孤子汝誠等奉公治命屬誌嗟石余何可以

辭按狀公諱陳羣字主敬號香樹裔出武肅王後前明禮科給事中卹

贈太常寺卿諱薇公六世祖也高祖諱與映曾祖諱陞祖信安教諭諱

瑞徵三世皆以名孝廉積學敦行著於鄉考諱綸光太學生有詩名自

曾祖以下並以公貴贈如公官妣皆贈一品夫人公生二歲多疾疹鞠

於外祖母九歲始還所居邏村贈公隨侍信安學舍公方就傅家貧母

陳太夫人課讀於紡車旁太夫人故工六法藝林稱南樓女史者也紡

入僅供饋粥不足則嚮畫以繼公性穎敏讀書輒能貫穿經籍下筆動

與古會同里前輩中若羨門竹垞一見並奇重焉未冠入都與諸老宿

論文唱和砥礪濯磨學識才品俱力爭上流於是名噪輦下人咸以公

輔器相期甲午舉京兆旋丁外艱辛丑登進士改庶常散館授編修已

酉典湖南試辛亥奉

使赴陝宣諭化導事竣升贊善壬子升庶子掌坊事尋升授侍讀學士

充日講起居注官乙卯

命視畿輔學政仍兼內廷行走

上登極之元年擢通政使司右通政丁內艱服闋仍

命視學辛酉陞太僕寺卿補詹事府詹事陞內閣學士兼禮部侍郎逾

月補刑部侍郎癸亥充補經筵講官乙丑充會試副總裁兼署禮部侍

郎事丁卯庚午兩典江西試壬申得疾歸公之歷官止此公於事持大體守成法不以意爲更張而講畫事理洞達人情奉

使宣諭西秦所至輒與耕氓黎老敷揚

國家涵濡漸被之深仁導以敵愾同仇之志山谷野民咸知感慕比還朝皆攀轅淚下至遮馬不能行公一生以造就人材甄拔寒賤爲念故三任畿輔學政暨主鄉會試咸稱得人而愛才下士之忱汲汲如恐不及若疏奏則有請旌教子受封之節婦請停科試舉報優劣請頒從祀先賢先儒姓氏位數請整飭尼山洙泗兩書院諸疏皆有裨化本又如條陳耗羨事宜請修明思陵疏推原律意二疏載公集中具有體要先後任秋官十有二年遇事虛衷商論盡言無隱而不預設成見開有疑讞必剖析得其情用能仰佐協中之化公之歸也邁返穀疾

上賜醫藥准假回籍調理賜詩寵行公歸數年疾漸平會公子少司農汝誠繼起直

禁近有聲公亦不復有出山志而

上之所以眷公者愈篤丁丑

南巡賜鄉俸辛巳祝釐進尚書銜

命與九老會游香山繪圖禁中壬午

南巡加刑部尚書乙酉

南巡晉太子太傅尋命公子少司農侍養於家辛卯茶祝

慈釐

命在紫禁城騎馬再與九老會繪圖禮成仍

賜詩寵行歸二年卒公爲詞苑舊臣初以文章受

憲皇帝特達之知遭際

文思天子復特邀優眷自林栖二十餘年以來以詩筒附奏牋進御之作不下千有餘篇

上覽輒稱善若鹿馴囁咩當童扶等句尤嘉許不置至邀

天章俯和書賜者歲必疊拜千古膺颺之盛未有若斯之隆者而公以

樸誠上荷

主知深蒙恩鑒見於

睿藻中許公爲頌不忘規凡數四嗚呼非公以有本之學形爲有德之

言烏能遭逢若是哉曩公在朝與休甯注文端名相埒公沒後

上駐蹕田盤閣公游盤山詩冊有五首吟成錢與汪句感舊眷懷同深

太息及歸里日與長洲沈文懋齊名每

賜詩必並稱曰大老屢曰故人

上覽公遺疏詩以誌情有江南忽爾失二老天子原非友匹夫之句猶與文懋綴舉此皆儒臣不易遭之殊遇而生被榮施沒膺茂典數十年如一日則公比於二公

恩禮尤渥云公天性孝友幼秉母教所繪夜紡授經圖自識樂府得蒙天筆賜題世傳其美色養太夫人備至以贈公不逮養終身自奉儉約如寒素請貤封外王父母以報鞠育恩薦同懷弟可縣令卒為廉吏撫孤姪暨廢居弟媳推與獨厚雅負倫鑿成就戚族暨故人子為多尤喜緩急人存卹甚眾里中賴以舉火者常數十家此在公為小節要足為世勸也迹公生平漢鄭均守善貞固黃髮不怠賜尚書祿終其身晉王祥以睢陵公就第公子肇為給事中使常優游定省公晚年榮遇似之宋張洎博涉經史多知典故每上有著述洎必援引經傳以將順其意上賜詩褒美有翰長老儒臣句楊徽之能詩太宗嘗寫其警句於御屏上以備覽誦公應

制似之至公所以深契

碑傳三十四

主知者則固有在宋仁宗讀歐陽文忠御閣諸帖篇篇有意歎曰舉筆不忘規真侍從之臣也神宗賜趙槩詔曰請老而去者皆以聲問不至朝廷為高惟卿有志愛君雖退休山林未嘗一日忘也循誦數語豈非公之志哉若夫康甯壽考似續蕃昌則尤文富諸老後所僅見嗚呼如公者洵無忝完人已公生於康熙丙寅五月二十九日卒於乾隆甲午正月初七日年八十有九配俞夫人早卒誥贈一品夫人繼俞夫人誥封一品夫人前公九年卒將葬為公預營壽藏子七人長汝誠戶部左侍郎繼配俞夫人出次汝恭江南安慶同知次汝懋殤沈宜入出次汝隨甘肅平羅縣丞次汝豐河南中牟知縣次汝弼候補府經歷嗣公弟界為後黃宜入出次汝器

欽賜舉人曹孺人出女九人孫男十五人曾孫男二人以本年十二月丁酉合葬于海鹽生坊之南化城銘曰

員海東抱牛斗躔孕靈毓秀祥禾與公生上應文昌垣稗而秀羸耄多文胚胎道懿與德淳發為文章味義根執謙持下困彌惇搏風邁翼翔鶴駕筆兼燕許詞揚班善持大體政不煩明刑一紀多平反

帝錫嘉詠于公門養痾得謝抽簪還

眷舊典隆憲乞言詩筒郵遞紛牋番

帝曰故人大老錢惟國之瑞樸人倫臯臯益贊明良傳一經接武光章賢毅貽慶衍綿來昇居則長水空武原感公德意銘公阡我儀圖之公長存

又刑部尚書加贈太傅錢文端公神道碑袁枚

今天子優禮文臣稱為江浙兩大老者一為沈公德潛一為錢公陳羣沈年雖高于公為後進受知

今上而公則受知

聖祖

世宗贊國家文明之治先沈二十餘年故薨後

天子加贈太傅賜祭葬諡文端崇祀賢良一切恩禮較沈為尤隆非徒眷舊臣兼以重

先朝也公為錢武肅王十四世孫高祖富一公始遷秀水生而敦敏愛讀書母陳太夫人躬自課讀公貴後繪夜紡授經圖

皇上題詩獎許以康熙甲午舉人辛丑進士改翰林庶常

世宗登極召見曰錢陳羣不獨文佳人亦好遂以編修主試湖南旋遷

碑傳三十四

學士視畿輔學政乾隆元年擢通政司右通政丁母憂服闋補原官累遷禮刑兩部侍郎加經筵講官充乙丑會試總裁主江西丁卯庚午兩

科鄉試壬申病

上命太醫診視予告歸里公天才警敏藻思空湧每扈從賡歌帳殿前諸黃門環而伺之晷刻未移百韻已就歸田後

上有吟詠輒寄示公絡繹往來至于千餘首凡國家大禮畢武功成公必進雅頌數十章

璽書褒美賞賚不可紀極辛未

南巡命閩召試諸生卷丁丑

南巡命在家食一品俸壬午

南巡晉刑部尚書銜乙酉

南巡加太子太傅賜幼子汝器舉人辛巳祝

太后七十萬壽

命與九老會賜杖入朝辛卯祝

太后八十萬壽

命紫禁城瀛臺騎馬偕九老遊香山圖形內府

上于公若有宿契每入見

聖心先怡公亦事君以誠承顏抗詞動引書語頌不忘規民隱必告壬午公子汝誠典試江南

上先諭總督尹文端公招公遊攝山俾父子歡會

聖壽六十念公老難北行命沈文愨公往嘉禾互相勸止公進竹如意上批劄云未頒僧紹之賜恰致公遠之貢文而有節把玩良怡今賜卿木蘭所獲鹿服食延年以俟清晤凡此

恩意周摯皆出于尋常控揣之外龍光湛露海內榮之公雖研深文學而于政治尤通明雍正七年為陝西宣諭化導使宣講時有姦民某闌入聽講公異其狀命遮留之果邑中捕者至乾隆十九年偽稿獄興公家居矣密奏姦民主名未立請緩窮治以省株連奉

旨嚴飭俄而諒其誠惻寵眷如初公任天而動惆儻和易口汨汨如傾

河汲引後進酬應翰墨必躬必親日不暇給然能廢心而用形人人滿所懷以去而體益聰強構宅雙溪之西春秋佳日輒借故人野叟遊桑麻間常至古杭聖湖小住信宿見者或以為元老或以為神仙幼有至性弟外未殮公抱尸臥冀溫使甦太夫人至見公身冷如冰乃哭而

止之官通政使時以應得己身封典請封外祖母

上許之遂著為令公諱陳羣字主敬號香樹又自號栢南居士兩娶于

俞氏皆誥封夫人三代贈如公官子七人長汝誠官刑部侍郎次汝恭

汝懋汝豐汝隨汝弼汝器皆有官秩女九人薨年八十九葬某銘曰

文思天子張咸英皇陶庭堅方降生爽鳩氏代鳳鳥鳴奕奕錢公輔

聖清肫然明允更篤誠為士作鑑文持衡有茅必拔賢必登義刑義殺

廷尉平惟公折獄能引經天牢雖空臣疾攫昧死上書求歸耕

上帝耆之詩寵行東門送者車千乘爭羨白鶴翔蒼冥誰知在野如在

廷堯醜舜薰時和賡

君臣師友相合并四河入海無河名五年

巡狩鑾輿迎羣臣之中喜見卿子牟魏闕江湖情能無銜感涕沾纓草

孟雖歸王室爭丹忱足照青史青傷哉積光大臺驚

帝猶批敕期遐齡

龍章雖來臣目瞑中涓捧祭馳新塋有睟其容圖殿庭龜銀後祚隆隆

升寶盱寶覃多孫曾公委化矣公永寧

光祿大夫總督倉場戶部右侍郎彭公樹葵墓誌銘 蔡新

乾隆四十年四月二十三日少宗伯彭公卒於里第厥嗣冠具狀來請
銘予與公同年成進士同入詞館同朝列交四十年今又與冠同值
內廷兩世交情知公最深義弗可辭則摭其實而書之公姓彭氏諱樹
葵字觀之水南其號也先世自江西廬陵遷河南夏邑世有名德五傳
而至公之曾祖諱舜齡順治己丑進士任登州推官署知府事祖諱溶
知都勻府父諱嘉問康熙辛卯舉人贈封皆如公官公生而英特讀書
數行俱下年十六補邑學生雍正壬子舉河南鄉試乾隆丙辰成進士
改庶吉士明年散館授編修充八旗志館纂修官五年擢侍讀六年充
日講起居注官擢翰林院侍讀學士旋遷通政使司右通政使太僕寺
卿宗人府府丞八年遷都察院左副都御史九年擢總督倉場戶部右
侍郎十二年署理湖北巡撫旋實授十四年仍調倉場侍郎二十二年
調禮部左侍郎旋以前任巡撫時失察事罷歸二十五年恭祝

皇上五旬大慶特賜三品銜公之受

上知也自進經史講義始以爲人君之德在於慎思引魏徵十思疏內

語凱切敷陳演爲十箴以獻

上嘉其得古人箴規意於是屬意公可大用而公之進身以正不愧前

賢亦於此畧見一斑矣其後出入爲卿尹所陳奏皆切中利弊得

六

旨俞納者尤多在倉場時北運河坍塌靡定向動用旗丁紅剝銀兩設
淺夫開浚復築草壩以蓄河流公言草壩當山水漲發一注卽衝柴草
蕩漾更多阻塞水小則中流甚淺無從收蓄宜概行停止仍以紅剝銀
兩給還旗丁爲起剝之用大通橋設車戶運米石出一錢津貼京倉散
役之費後車戶工值裁減而津貼如故私通日多公奏免之又請增剝
價及淺夫工食以速漕運定坐糧廳茶果銀之額以杜浮冒停鋪厥松
板之徵以紓丁力遇京師米貴輒請平糶或先期放甲米以濟民乏先
後皆被施行其撫湖北疏言荆襄一帶江湖表延千餘里一遇異漲必
藉餘地容納今漢水由大澤口分派入荆夏秋汎漲又上承荆門當陽
之水匯入長湖下達潯監瀾漫無際三襄之水濁而多沙有力者截流
成淤繼且築堤成垸人與水爭地爲利水必與人爭地爲害請飭各州
縣於冬春之際親勘現垸若干著爲定數此外禁其復築庶幾水患可
息嘗因穀貴請常平暫停採買而以穀價貯庫遇偏災則銀穀兼賑且
穀貴卽當出糶亦不宜拘存七糶三之例社倉置穀舊貯社長之家公
以稽核不便請於七升息穀內動支變價建倉收貯奏行人皆便之公

遇事精勩凡所區處必盡其當而大意務以實惠及人十二年山東歲

上念民有流亾者命公於通州留養公設法招徠吏胥咸感動無侵蝕者民就食至數千咸泣且語曰大人活我大兵征金川公在楚當調兵四千乃料軍實借帑金爲製行裝備冬衣軍士無不歡呼就道常攝總督事委官調餉諸務紛集公晝接屬吏夜治文書事無鉅細皆手自擘畫幕僚袖手而已性高潔服食儉樸不異寒素所至未嘗名一錢去任後有以隻雞斗食饋者置門內不告闔者而去曰告則必不受也既家居閉門卻掃手一編吟唔不絕自校讎所爲詩文集外更輯中州詩選喻言集古二書若干卷公生於康熙四十九年九月二十七日年六十有六配張夫人孝慈勤儉克相夫子以廉潔相敦勉先公四年卒年六十有二乾隆三十八年葬於城北雙橋村先塋之次今卜於乾隆四十年某月某日厥嗣冠選奉公柩合葬冠乾隆丁丑成進士日講起居注官入道

上書房翰林院侍講選廩貢生候選訓導孫男五驥驥駿鯤瑞皆幼銘

碑傳三十四

七

嵩高之靈有倬惟公厥初獻納以正以忠既宣茂猷小大畢舉靡疾不

除若手斯撫公退而歸有閒在人入朝於京嶠嶠老臣天子優公曰惟舊德公老於家鄉邦是則公亾若存嗣也代興有勤於

幽千歲其徵

光祿大夫工部尚書贈太子太保諡恭定閩公循琦墓誌銘

趙信

粵乾隆四十年乙未冬十有二月惟丙午肅司空昌樂閩公以疾薨於位遺疏奏聞奉

上諭工部尚書閩循琦老成練達宣力有年洵厯正卿正資倚任前以染忠疇噎特頒內府藥餌令其加意調攝冀得速痊茲聞溘逝深爲軫惜着加恩晉贈太子太保並派散秩大臣一員帶同侍衛十員前往奠醢所有應得卹典仍著該部察例具奏於是禮臣覆准加祭一壇給全葬銀五百兩仍予諡內閣按諡法以敬事上曰恭純行不爽曰定公其有焉得

旨報依初公疾作以五月時方奉五城監糶之

命往來廠署未嘗言率九月

上自木蘭還連賜服伍食丸既少間矣公體素強毅勤於政事嘗自言

一日不諳公此心似有缺欠處遇事必先赴與僚佐咨議必盡所言其於晨夕起居殊不自矜嗇也已而疾劇屢蒙

召見問慰距卒前旬日猶蒙異數

賜紫禁城內騎馬蓋

上之優禮大臣有加無已而公所以終始承恩榮哀畢備者可謂極人臣難得之遭矣公以世宦名家子自曾祖考論德公遠公四世進士三人翰林公之兄弟羣從或班京職或任外吏皆有文譽公貴至一品而門閥益以光大朝野之望翕然以公長才克稱大用公則夙夜兢兢唯恐不及蓋自少隨父任十餘年官曹司廿餘年習教豫而更事深有以裕其敏果之才廉謹之節詳審而非瑣屑謙退而非詭隨易直而非鹵莽以此數厯臺省洵膺隆遇公之爲工部自乙丑散館始改主事部例稱繁主內外工程稽覈或時與匠作處酌體式校資費非其素練而持之以正鮮不爲吏所蒙公惟精白乃心不辭勞勩積二十餘年凡四司三廠庫局任幾徧所與同官諸上官無不信重公有所察舉必首公

上有問必以公對

上以是稔公能中開擢居言路者十餘年掌銓政直閣務者一年皆不

與碑傳三十四

八

離工部偶以事被議解任數日事尋釋仍得原銜留部以迄於擢侍郎越三年遂領尙書公之功名出入實與工部相終始前尙書李公元亮公爲其屬久最相器嘗因論河道事對李起指坐曰此位終當屬君人以其是歎李之明而不知公之精誠特達惟

聖天子知人善任積之久以大其成者良非偶而致也公性爽塏生平讀書能見其大爲文章亮拔深至如其爲人尤長於奏議每條一疏定

一稿詳畧輕重悉中機要奏對

上前一無諱飾時蒙

溫旨嘉獎嘗因知貢舉覆命蒙

文忠公

文忠公

問向來諸臣皆有條奏汝獨無何也對曰科場條例皆歷經

欽定已極詳備諸臣果實力奉行自足不敢毛舉一二端謬矜曉事也

上領之良久曰汝言甚是凡事皆當如是推非獨知貢舉而已先是西

山捫頭溝諸處煤窰歲久窪塞有建議別營他處者因緣爲利竇公時

爲御史兼部奉派往會勘獨持不可因還覆狀別具議帖呈前相國傅

文忠公公卽以呈

御覽竟如公議行其議大畧以舊窰產煤本旺徒以積水民人無力疏

通致艱開採非竟甘廢棄詳驗地勢事宜即別定新窰未必遂有利無害莫若許就舊窰近下處所開鑿溝隧淤去而煤暢其餘可採之地擇情形有據者以時招商官不費而民不擾云居家寬而有制從不計問生產自公之暇則手一編吟諷晚年尤好杜陵集及金嘉魚文日錄數首以課子孫交游間不濫徵逐有與謀焉必竭誠以報周急必從厚或覘公以為豐於藏及終僅給喪具而已殯歸之日道出城東門門舊有義學生徒數十人皆白衣冠執香而送詢之以公嘗有惠於學中云太常少卿仁和趙佑於公為後進嘗從公協京畿道事公性不喜與人談文字而獨推許佑文其嫡嗣學朱辱從遊於公既歸將葬奉狀來泣求為之志銘佑義不得辭謹志其官階則乾隆戊午舉人王戌進士選翰林院庶吉士歷任工部營繕都水司主事都水司員外郎木廠監督掌廣東道監察御史仍兼工部行走題掌京畿道監察御史

欽差提督兩密廠寶源局監督總理通州坐糧廳再補福建道監察御史轉吏科給事中坐轉吏科掌印給事中

特調兼吏部文選司掌印郎中擢內閣侍讀學士超擢工部左右侍郎署刑部侍郎晉工部尚書加一級誥授資政大夫

下議古樂以學璐俱魏

出次學海胡出女四人婿曰王紹琨李於垣陳遐齡袁繼廣孫三人兆

琛兆璵兆琚俱諸生曾孫一人準志其年則自乙未上距生於康熙四

十九年庚寅七月享年六十有六其葬以乾隆四十一年十月與吳夫

人合墓在營邱鎮北一里是於法宜銘銘曰

嶽峙青水流丹何

天寵維那翰履蹇蹇音秩秩勞哉生歸乎逸是惟司空之宅後有作者

視斯石

榮祿大夫吏部侍郎諡恭定吳公紹詩墓誌銘

體錫熊

今皇帝興官耆事董正六典慎詰邦禁圖惟其人時則有若海豐吳公

以持法明允受

上知遇由諸生奮庸汜位常伯折民輪孚壹切倚辦而公亦祇力不懈

以迪播彝教

天子嘉其宜毗任負渥前後居是職者莫與比公既上章乞身歸會

天子東巡謁見

行在所詔特以尚書寵公比告薨於家訃聞

上益愴悼祭葬如制下有司議諡諡曰恭定越明年其孤垣瓊等將奉

公極葬於邑東之

賜塋而先期來謁銘初公之在朝廷子數相見聞就與語樂其人温然而垣壇又先後出子門因稔公事履甚悉迨其歿也會以職事視外制草得推明

天子所以寵嘉公之意以褒顯其世今辱垣壇之請不可以辭乃按公所自撰次年譜刪撥而銘之曰公諱紹詩字二南其先自遷安徙海豐有以進士起家官山西布政司河東道參議諱自肅者公祖考也贈刑部侍郎諱象默者公考也代有令聞紹厥緒公始補博士弟子號高才生會

世宗憲皇帝詔中外舉所知各一人公世父黃梅知縣象寬上公名班見於廷公奏對稱

上旨得試吏刑部授七品小京官改督捕主事再遷江蘇司郎中除知甘肅鞏昌府四歲餘擢西安督糧道為總督劾免家居久之

上南巡公迎道旁有
詔問公罷官狀公對以實
天子察其誣起貴州糧驛道再命按察雲南移甘肅卽其省進布政使

以內憂歸既免喪入覲留為刑部右侍郎匝月復拜兵部侍郎巡撫江西

召入為尙書自刑部遷禮部未上以歲祲奏緩漕事六期挂吏議奪職居京師數月

上終欲嚮用公乃還公刑部一歲中以郎中復為侍郎而公子壇官江蘇布政使方用才略顯進

上乃特擢壇刑部右侍郎而遷公吏部父子相代佐司寇搢紳以為榮慈甯萬壽以齒偕廷臣為九老

賜杖遊香山圖形禁中公年七十餘精決如少壯觀者咸歎羨不可及而公尋以老疾引年

優詔報許且以公諸子官京師去來聽自便蓋異數也公行內修其於親事生嚴喪死哀篤愛兄弟無間為人寬厚長者平常妥言徐視而居官鞫絕有守疑巖然必得其當出事

天子四十有六年綰職以十數所至輒有聲績在鞏昌為興書院數親臨之以進諸生朴俗以化歲旱發俸鏹買牛種子民耕秋則大熟在西安修富平渠緇豪右專利者沃漑數百頃其在雲南甘肅求利害廢置

所宜除建甚眾不赫然爲名而滲人肌膚至深比去乃益思頌之以至持節江西宣

上德意數賑被水百姓劑其贏乏屯租浮額白弛其征視所安便不苟同異其他設施功利大率類此蓋公於小者無所不盡意而決疑平法以慎於獄則尤其生平卓卓大者惟天下亦以此稱之先是公祖少參卽由刑部郎顯公早從黃梅君習吏事折律傾服老輩黃梅君知其才以是內舉公及歷刑部入益精練絕人考定新舊法式具爲規條梳櫛細密可長用起曹屬迄卿貳謹敏終始如一而諸子更迭爲刑官亦皆受公教能其職昔周公告蘇公以式敬由獄其後世爲周司寇聲施至今嗚呼如公者其庶幾近之矣公享年七十八薨於乾隆四十一年十月十七日配夫人王氏婦道純備先公一年卒子二長垣王申舉人掌浙江道監察御史兼吏部文選司事次壇辛已進士前刑部右侍郎今官江蘇司郎中出爲公從父中書瑛後孫二之承庚寅舉人中書職銜垣出之勲國子監生壇出孫女六垣出者一壇出者五曾孫五承出者四勲出者一婚嫁聘字皆名族銘曰粹然吳公慶詒前武德孚行聞以御

碑傳三十四

十一

帝所舉不失親自躬興練達章式莫之與朋翱翔曹郎逮建旌節內外隨施挹而不竭蹶也孰起

天子毗之往也孰諧邦刑司之折獄哀鰥其澤世究拜命於廷父前子後帝眷耆碩恩禮始終謂將百齡何命不融有煒褒綸納書告第豐碑螭首以風具位佳城墨食原高水清我作銘詩用昭厥聲

09102

